

蘭室秘藏

上

卷二

卷上

飲食勞倦門

飲食所傷論

勞倦所傷論

調中益氣湯

交泰丸

木香乾薑枳朮丸

和中丸

消積滯集香丸

黃芪當歸湯

益智和中丸

脾胃虛損論

三黃枳朮丸

白朮丸

中滿腹脹門

寬中喜食無厭丸

木香人參生薑枳朮丸

扶脾丸

檳榔丸

黃芪湯

參朮湯

益胃散

巴豆三稜丸

草豆蔻丸

中滿腹脹論

諸腹脹大皆屬於執論

中滿分消丸

中滿分消湯

廣茂瀆腎湯

半夏厚朴湯

破滯氣湯

草豆蔻湯

心腹痞門

消痞丸

失笑丸

黃連消痞丸

消痞湯

葶藶丸

胃脘痛門

草豆蔻丸

神聖復氣丸

麻黃豆蔻丸

酒客病論

葛花解醒湯

枳朮丸

半夏枳朮丸

橘皮枳朮丸

除濕益氣丸

除濕散

升麻黃連丸

上二黃丸

瓜蒂散

消渴門

消渴論

和血益氣湯

當歸潤燥湯

生津甘露湯

辛潤緩肌湯

甘草石膏湯

甘露膏

生津甘露飲子

眼耳鼻門

諸脉者皆屬於目論

內障眼論

芎辛湯

碧天丸

廣大重明湯

百點膏

選奇湯

神効明目湯

羌活退翳膏

明目細辛湯

復明散

助陽和血湯

吹雲膏

防風飲子

撥雲湯

神效黃芪湯

圓明內障升麻湯

黃芩黃連湯

蔓荊子湯

歸葵湯

救苦湯

熟乾地黃丸

益陰腎氣丸

羌活退翳丸

當歸龍膽湯

補陽湯

瀉陰火丸

升陽柴胡湯

溫衛湯

圓明膏

嗜樂麻黃散

療本滋腎丸

加味滋腎丸

退翳膏

龍膽飲子

柴胡聰耳湯

羌活退翳湯

還睛紫金丹

麗澤通氣湯

溫肺湯

禦寒湯

頭痛門

頭痛論

清空膏

川芎散

碧雲散

清上瀉火湯

細辛散

養神湯

半夏白朮天麻湯

口齒咽喉門

口齒論

羌活散

麻黃散

治蟲散

蠟稍散

刷牙藥

徹清膏

白芷散

羌活清空膏

補氣湯

羌活湯

安神湯

草豆蔻散

麝香散

益智木律散

白牙散

獨聖散

當歸龍膽散

半牙地黃散

細辛散

立効散

半牙散

清胃散

神功丸

桔梗湯又方

神驗法

嘔吐門

丁香茱萸湯

白朮湯

補肝湯

吳茱萸丸

衄血吐血門

麥門冬飲子

人參飲子

麻黃桂枝湯

黃芪芍藥湯

三黃補血湯

救肺湯

止衄血法

腰痛門

川菴肉桂湯

獨活湯

破血散疼湯

也龍散

蒼朮湯

麻黃復煎散

緩筋湯

拈痛湯

蒼朮復煎湯

羌活蒼朮湯

婦人門

經閉不行有三論

經漏不止有三論

升陽除濕湯

涼血地黃湯

酒煮當歸丸

固真丸

烏藥湯

助陽湯

水府丹

丁香膠艾湯

黃氏當歸人參湯

當歸芍藥湯

柴胡調經湯

益胃升陽湯

升陽舉經湯

半產候用寒涼之藥論

全生活血湯

當歸附子湯

調經補真湯

坐藥龍鹽膏

蘭室秘藏

目錄



腸陰丹

柴胡丁香湯

迴陽丹

桂附湯

延胡苦練湯

黃芪白朮湯

人參補氣湯

增味四物湯

白朮茯苓湯

溫衛補血湯

補經固真湯

四聖散

立效散

補氣升陽和中湯

溫經除濕湯

卷下

麻黃桂枝升麻湯

大便結燥門

大便結燥論

通幽湯

潤燥湯

潤腸丸

麻黃白朮湯

升陽湯

活血潤燥丸

潤腸湯

小便淋閉門

小便淋閉論

通關丸

清肺飲子

導氣除燥湯

腎疸湯

痔漏門

痔漏論

秦光白朮丸

秦光蒼朮湯

七聖丸

秦光防風湯

秦光羌活湯

當歸郁李仁湯

紅花桃仁湯

秦光當歸湯

陰痿陰汗門

陰痿陰汗及臊臭論

龍膽瀉肝湯

清震湯

固真湯

清魂湯

椒粉散

補肝湯

溫腎湯

延胡丁香丸

瀉痢門

蘭室秘藏

目錄

五

訶子皮散

升麻補胃湯

升陽去熱和血湯

益智和中湯

芍藥藥皮丸

和中益胃湯

槐花散

茯苓湯

黃芪補胃湯

升陽除濕湯

人參益胃湯

升麻補胃湯

瘡瘍門

散腫潰堅湯

升陽調經湯

連翹散堅湯

龍泉散

救苦化堅湯

柴胡連翹湯

黍粘子湯

淨液湯

消腫湯

內托羗活湯

升麻托裏湯

內托黃芪湯

柴胡通經湯

白芷升麻湯

保生救苦散

一上散

聖愈湯

獨聖散

黃芪肉桂柴胡酒煎湯

雜病門

安神丸

硃砂安神丸

補氣湯

當歸補血湯

柴胡升麻湯

火鬱湯

小黃丸

黃芩利膈丸

補益腎肝丸

太陽經嘔藥

麻黃柴葛湯

黃芪湯

除濕補氣湯

參歸湯

升陽湯

自汗門

自汗論

調衛湯

清燥湯

當歸六黃湯

紅豆散

活血通經湯

瀉滯湯

人參益氣湯

導氣湯

補中湯

麻黃蒼朮湯

上清湯

木桂湯

正氣湯

越痛丸

退熱湯

解表升麻湯

天麻黃芪湯

健步丸

白朮除濕湯

加味四君子湯

瀉血湯

洗面藥

瑩肌如玉散

面油摩風膏

小兒門

治驚論

黃芪湯

益黃散

升陽益血湯

厚腸丸

補陽湯

大無美湯

壅氣退黃湯

中满分消丸

消痞丸

癍疹論

消毒救苦散

黍粘子湯

桔梗湯

麻黃柴胡升麻湯

東垣老人

李杲撰

明新安

李杲校

飲食勞倦門

飲食所傷論

陰陽應象論云水穀之寒熱感則害人六府痺論云陰氣者靜則神藏躁則消亡飲食自倍腸胃乃傷此乃混言之也分之為二飲也食也飲者水也無形之氣也因而大飲則氣逆形寒飲冷則傷肺病則為喘咳為腫滿為水瀉輕則當發汗利小便使上下分消其濕解醒湯五苓散生薑半夏枳實白朮之類是也如重而畜積為滿者羌花大戟甘遂牽牛之屬利下之此其治也食者物也有形之血也如生氣通天論云因而飽食筋脉橫解腸辟為痔又云食傷太陰厥陰寸口大於人迎兩倍三倍者或嘔吐或痞滿或下痢腸辟當分寒熱輕重而治之輕則內消重則除下如傷寒物者半夏神麴乾薑三稜廣木巴豆之類主之如傷熱物者枳實白朮青皮陳皮麥蘗黃連大黃之類主之亦有宜吐者陰陽論云應象在上者因而越之瓜蒂散之屬主之然而不可過劑過劑則反傷腸胃蓋先因飲食自傷又加以藥過故腸胃復傷而氣不能化食愈難消矣漸至羸困故五常政大論云大毒治病十去其六小毒治病十去其七凡毒治病不可過之此聖人之深戒也

勞倦所傷論

調經篇云陰虛生內熱岐伯曰有所勞倦形氣衰少穀氣不盛上焦不行下脘不通而胃氣熱熱氣熏胸中故內熱舉痛論云勞則氣耗勞則喘且汗出內外皆越故氣耗矣夫喜怒不節起居不時有所勞傷皆損其氣氣衰則火旺火旺則乘其脾土脾主四肢故困熱無氣以動懶於語言動作喘乏表熱自汗心煩不安當病之時宜安心靜坐以養其氣以甘寒瀉其熱火以酸味收其散氣以甘溫補其中氣經言勞者溫之損者溫之是也金匱要略云平人脈大為勞脈極虛亦為勞者矣夫勞之為病其脈浮大手足煩熱春夏劇秋冬差脉大者熱邪也極虛者氣損也春夏以黃芪建中湯治之此亦溫之之意也夫上古聖人飲食有節起居有常不妄作勞形與神俱百歲乃去此謂治未病也今時之人去聖人久遠則不然飲食失節起居失宜妄作勞役形氣俱傷故病而後藥之是治其已病也推其百病之源皆因飲食勞倦而胃氣元氣散解不能滋榮百脉灌溉臟腑衛護周身之所致也故蒼天之氣貴清靜陽氣惡煩勞噫飲食喜怒之間寒暑起居之際可不慎歟

調中益氣湯 治因飢飽勞役損傷脾胃元氣不足且脉弦洪緩而沉按之中之下得時一澀其證四肢滿悶肢節疼痛難以屈伸身體沉重煩心不安忽肥忽瘦四肢懶倦口失滋味腹難舒伸大小便清利而數或上飲下便澀滯或夏月餐泄米穀不化或便後見血或便見白膿胸滿短氣咽膈不通

痰唾稠粘口中沃沫食入反出耳鳴耳聾目中流火視物昏花努肉紅絲熱壅頭目不得安卧不思飲食並皆治之

食並皆治之

橘皮 如腹中氣不轉運加木香一分如無此證不加

黃蘗 酒洗已上各二分

升麻 此一味為上氣不足胃氣與脾氣下流乃補上氣從陰引陽 柴胡 各三



分 人參有散者 炙甘草 蒼朮五分 黃芪一錢

如時顯執躁是下元陰火蒸蒸發也加生地黄二分 黃蘗三分

如大便虛坐不得或大便秘了而不了腹中常常逼迫皆是血虛血澀加當歸身三分 無此證則去之

如身體沉重雖小便數多亦加茯苓二分 黃蘗三分 澤瀉五分 蒼朮一錢 時暫從權而去濕也不可常用兼足太陰

已病其脉亦絡於心中故顯濕熱相合而生煩亂

如胃氣不和加湯洗半夏五分 生薑三分 有嗽者加生薑生地黄二分 以製半夏之毒

如痰厥頭痛非半夏不能除此足太陰脾邪所作也

如兼躁熱加黃蘗生地黄各二分

如無已上證只服前藥

右件到如麻豆大都作一服水二大盞煎去粗稍熱食遠服之甯心絕慮靜坐少語藥必為効耳

如夏月須加白芍藥三分

如春月腹中痛尤宜加

如惡熱而渴或腹痛者更加芍藥五分 生黃芩二分

如惡寒腹痛加中桂分 去黃芩謂之桂枝芍藥湯亦於前藥中加之

如冬月腹痛不可用芍藥蓋大寒之藥也口加乾薑分 或加半夏五分 宜以生薑少許製之

如秋冬之月胃脉四道為衝脉所逆脇下少陽脉二道而反上行名曰厥逆且證氣上衝咽不得息而喘

息有音不得卧加吳茱萸五分至一錢酒洗去節觀厥氣多少而用之亦於前藥中作一服服之

如夏月有此證為大熱也此病隨四時為寒熱溫涼也宜以黃連酒洗黃蘗酒浸知母酒浸已上各等分右

為細末熟湯為丸如梧桐子大每服一百丸或二百丸白湯送下空心服仍多飲熱湯服畢少時便以

美食壓之使不令胃中停留直至下元以瀉衝脉之邪也大抵治飲食勞倦所得之病乃虛勞七損證

也常宜以甘溫平之甘多平少是且治也

實中喜食無厭丸一名寬中進食丸資形氣喜飲食

木香五分青皮 人參 乾生薑以上各一錢炙甘草一錢五分白茯苓 澤瀉 檳榔

橘皮 白朮已上各二錢縮砂仁 猪苓已上各二錢五分枳實四錢草豆蔻仁五錢神麴五錢五分

半夏七錢大麥蘖麵炒二兩右為細末湯浸餗餅為丸如梧桐子大每服三五丸米湯下食遠

交泰丸 升陽氣瀉陰火調榮氣進飲食助精神寬腹脇除怠惰嗜卧四肢沉困不收

乾薑炮製三分巴豆霜五分人參去節肉桂去皮已上各一錢柴胡去苗小椒炒去汗子并閉目白朮已上各一錢五分

厚朴去皮炒三錢白茯苓 苦練酒煮縮砂仁已上各二錢知母肆錢一半酒炒一半去川烏炮

去皮臍四錢五分吳茱萸湯洗七次五錢皂角水洗煨去皮弦紫苑去苗已上各六錢黃連去鬚七錢秋冬減一錢五分右除巴豆

霜別研外同為極細末煉蜜為丸如梧桐子大每服十九丸溫水送下食遠虛實加減

木香人參生薑枳朮丸 開胃進飲食

乾生薑二錢五分木香三錢人參三錢五分陳皮四錢枳實炒一兩白朮一兩五分右為細末荷葉裹燒飯

為丸如梧桐子大每服三五丸溫水下食前

不香乾薑枳木丸 破除寒滯氣消寒飲食

木香三錢 乾薑五錢 枳實一兩 白木一兩

右為細末荷葉裹燒飯為丸如梧桐子大每服三

五十九丸溫水送下食前

扶脾丸 治脾胃虛寒腹中痛漉瀉無度飲食不化

乾生薑 肉桂五分 乾薑 藿香 紅豆一錢 白朮 茯苓 橘皮 半

夏 訶子皮 炙甘草 烏梅肉二錢 大麥蘖炒 神麩炒已上 右為細末荷葉燒

飯為丸如梧桐子大每服五十九丸白湯送下食前

和中丸 補胃進食

人參 乾生薑 陳皮已上各一錢 乾木瓜二錢 炙甘草三錢 右為細末湯浸餛餅為丸如梧桐

子大每服五十九丸白湯送下食前

檳榔丸 破滯氣消飲食

炙甘草一錢 木香 人參 檳榔已上各二錢 陳皮五錢 右為細末湯浸餛餅為丸如梧桐子大

每服五十九丸白湯下食前

消積滯集香丸 治傷生冷硬物不消

京三稜 廣茂 青皮 陳皮 丁香皮 益智 川練子 茴香已上各一兩 巴

豆和梗米炒

右為細末醋糊為丸如萊豆大每服五七丸溫水送下食前服

黃芪湯 補胃除濕和血益血滋養元氣

木香氣通去之

霍香葉已上各一錢

當歸酒洗

陳皮已上各二錢

人參

澤瀉已上各五錢

黃芪兩

右咬

咀每服五錢水二大盞煎至一盞如欲汗加生薑煎食遠熱服之

黃芪當歸湯 治熱上攻頭目沿身胸背發熱

當歸身一錢酒洗

黃芪五錢

右咬咀作一服水二大盞煎至一盞食前熱服

參耒湯 治脾胃虛弱元氣不足四肢沉重食後昏悶

黃蘗酒浸

當歸已上各二分

柴胡

升麻已上各三分

人參

陳皮

青皮已上各五分

神麩末七分

炙甘草 蒼朮已上各一錢

黃芪二錢

右咬咀都作一服水二大盞煎至一盞食遠服

益智和中丸李秋合

木香 黃連

生地黃已上各二分

黃芪

人參

麥門冬

神麩末

當歸身

乾生薑 陳皮

姜黃已上各五分

縮砂仁七分

桂花一錢

桂枝五分

益智仁二錢

炙甘草

五分 麥蘖麵二錢五分

草豆蔻仁四錢

右為細末湯浸餗餅為丸如梧桐子大每服五十九丸白湯下

細嚼亦當

益胃散 治因服寒藥過多以致脾胃虛損胃脘疼痛

人參 甘草

縮砂仁

厚朴已上各一錢

白豆蔻

姜黃

乾生薑

澤瀉已上各一錢

益智仁錢

黃芪

陳皮已上各七錢

右為粗末每服三錢水二盞生薑五片煎至二盞去粗食前

溫服

脾胃虛損論

易水張先生常戒不可峻利食藥下咽未至藥丸施化其標皮之力始開便言快也所傷之物已去若更待一兩時辰許藥盡化開其藥峻利必有情性病去之後脾胃既損是真氣元氣敗壞促人之壽當時設下一藥枳實一兩麩炒黃色為度白朮二兩只此二味荷葉裹燒飯為丸以白朮若溫甘溫補脾胃之元氣其苦味除胃中之濕熱利腰臍間血故先補脾胃之弱過於枳實疝化之藥一倍枳實味苦寒泄心下之痞悶消胃中所傷此一藥下胃其所傷不能即去須待一兩時辰許食則消化是先補其虛而後化其所傷則不峻利矣當是之時未悟用荷葉燒飯為丸之理老年味之始得可謂神矣荷葉之物中央空象震卦之體震者動也人感之生足少陽甲膽膽也甲膽者風也也生化萬物之根蒂也左傳云履端於始序則不愆人之飲食入胃營氣上行即少陽甲膽之氣也其手少陽三焦經人之元氣也手足經同法便是少陽元氣生發也胃氣穀氣元氣甲膽上升之氣一也異名雖多止是胃氣上升者也荷葉之體生於水土之下出於污穢之中不染槌然獨之其色青形乃空青而象風木者也食藥感此氣之化胃氣何由不上升乎其主意用此一味為引用可謂遠識深慮合於道者也更以燒飯和藥與白朮協力滋養穀氣補令胃厚再不至內傷且利廣矣大矣若內傷脾胃辛熱之物酒肉之類自覺不快負藥於醫醫者亦不問所傷付之集香丸小丁香丸巴豆大熱藥之類下之大便下則物去遺留食之熱性藥之熱性重傷元氣則七神

不熾經云熱傷氣正謂此也其人必無氣以動而熱困四肢不舉傳變諸疾不可勝數使人真氣自此衰矣若傷生冷硬物世醫或用大黃牽牛二味大寒藥投之隨藥下所傷去矣遺留食之寒性藥之寒性重

瀉其陽陽去則皮膚筋血肉脉無所依倚便為虛損之證論言及此令人寒心夫辛辣薄味之藥無故不

可亂服非止牽牛而已至真要大論云五味入胃各先逐其所喜攻攻者尅伐瀉也辛味下咽先攻瀉肺

之五氣氣者真氣元氣也且牽牛之辛辣猛烈傷人尤甚飲食所傷腸胃受邪當以苦泄其腸胃可也肺

與元氣何罪之有用牽牛大罪有五此其一也况胃主血所生病為物所傷物者有形之物也皆是瀉

其氣其罪二也且飲食傷之於中焦止合尅化消導且食重瀉上焦肺中已虛之氣其罪三也食傷腸胃

當寒因寒用又曰寒因寒用枳實大黃苦寒之物以泄有形是也反以辛辣牽牛散瀉真氣大禁四也殊

不知鍼經有云外來客邪風寒傷人五臟若悞瀉胃氣必死悞補亦死其死也無氣以動故靜若內傷腸

胃而反瀉五臟必死悞補亦死其死也陰氣有餘故躁今內傷腸胃是謂六腑不足之病反瀉上焦虛無

肺氣肺者五臟之一數也雖不即死若更旬日之間必暗損人壽數謂如人壽應百歲為牽牛之類朝損

暮損其元氣消耗不得終其天年但人不覺耳將為天年已盡此乃暗裏折人壽數大禁五也故特著此論并方庶

令四海聞而行之不至天橫耳此夫之用心也胃氣不可不養復明養胃之理內經云安穀者昌絕穀者

亡水則榮散穀消則亡榮散衛亡神無所依仲景云水入於經其血乃成穀入於胃脉道乃行故血不可

不養胃不可不溫血養胃溫榮衛將行常有天命穀者身之大柄也書與周禮皆云金木水火土穀惟修

以奉養五臟者也內傷飲食固非細事苟安服食藥而輕生殞命其可乎哉黃帝鍼經有說胃惡熱而喜

清冷大腸惡清冷而喜熱兩者不和何以調之岐伯曰調此者食飲衣服亦欲適寒溫寒無悽愴暑無<sub>出</sub>飲食者熱無灼灼寒無淒淒寒溫中適故氣將<sub>持</sub>不致和僻也是必有因用豈可用俱寒俱熱之藥倉卒致損與以刃殺人者何異內經說內傷者其氣口脉反大於人迎一倍二倍三倍分經用藥又曰上部有脉下部無脉其人當吐不吐者死如但食不納惡心欲吐者不問一倍二倍不當正與瓜蒂散吐之但以指或以物探去之若所傷之物去不盡者更診其脉問其所傷以食藥去之以應塞因塞用又謂之<sub>寒因寒用</sub>泄而下降乃應太陰之用其中更加升發之藥令其元氣上升塞因通用因曲而為直何為曲內傷胃氣是也何為直因而升發胃氣是也因其飲食之內傷而使生氣增蓋胃氣完復此乃因曲而為之直也若分經用藥其所傷之物寒熱溫涼生硬柔軟所傷不一難之定一法口隨所傷之物不同各立治法臨時加減用之其用藥又當問病人從來稟氣盛衰所傷寒物熱物是喜<sub>食而</sub>耶不可服破氣藥若乘飢困而食之耶當蓋胃氣或為人所勉勸強食之宜損血而益氣也診其脉候傷在何臟可與對病之藥豈可妄瀉天真元氣以輕喪身寶乎且如先食熱物而不傷繼之以寒物因後食致前食亦不消化而傷者當問熱食寒食孰多孰少斟酌與藥無不當矣喻如傷熱物二分寒物一分則當用寒藥二分熱藥一分相合而與之則榮衛之氣必得周流或有或先飲酒而後傷寒冷之食及傷熱食冷水與水如此不等皆當驗其節次所傷之物酌量寒熱之劑分數各各對證與之無不取效自忖所定藥方未敢便謂能盡<sub>藥性</sub>之理姑用指迷辯惑耳

三黃枳朮丸 治傷肉濕麵辛辣味厚之物填塞悶亂不快

枳實麵炒 黃連去醋 大黃濕紙 神麩炒 橘皮 白朮已上各 黃芩二兩 右為極細末

湯浸餛餅為丸如菜豆一倍大每服五十九丸白湯下臨時量所傷多少加減服之

巴豆三稜丸一名木香見睨丸 治傷生冷硬物心腹滿悶疼痛

巴豆霜分 木香二錢 升麻 柴胡已上各 草豆蔻麵裹煨熟用仁 香附子炒已上各 神麩炒黃

石三稜去皮煨 京三稜煨已上各 右為細末湯浸餛餅為丸如菜豆一倍大每服一二十九丸温白湯

下量所傷多少加減服之

白朮丸 治傷豆粉濕麵油膩之物

白朮已上各 枳實麵炒黃色 右為

極細末湯浸餛餅為丸如菜豆大每服三十五丸白湯下素食多用乾薑故加黃芩以瀉之

草豆蔻丸 治秋冬傷寒冷物胃脘當心而痛上支兩脇咽膈不通

炒鹽分 乾生薑 青皮 橘皮已上各 麥蘖麵炒黃色 生黃芩冬月不用 半夏湯洗 神麩

草豆蔻麵裹煨去皮取仁 白朮已上各 枳實麵炒 右為極細末湯浸餛餅為丸如菜豆大

每服五十九丸白湯下

中滿腹脹門

中滿腹脹論

比政紀論云太陰所至為中滿太陰所至為畜滿諸濕腫滿皆屬脾土論云脾乃陰中之太陰同濕土



之化脾濕有餘腹滿食不化天為陽為熱主運化也地為陰為濕主長養也無陽則陰不能生化故云臧寒生滿病調經篇云因飲食勞倦損傷脾胃始受熱中未傳寒中皆由脾胃之氣虛弱不能運化精微而制水穀聚而不散而成脹滿經云腹滿腹脹支膈脘脇下厥上冒過在太陰陽明乃寒濕鬱遏也脉經所謂胃中寒則脹滿者是也鍼經三卷雜病第八腹滿大便秘不利上走胸噎喘息喝喝然取足少陰又云脹取三陽三陽者足太陽寒水為脹與通評虛實論說腹暴滿按之不下取太陽經絡胃之募也正同取者瀉也經云中滿者瀉之於內者是也宜以辛熱散之以苦瀉之淡滲利之使上下分消其濕正如開鬼門潔淨府溫衣繆刺其處是先瀉其血絡後調其真經氣血乎陽布神清此治之正也或曰諸脹腹大皆屬於熱者何也此乃病機總辭假令外傷風寒有餘之邪自表傳裏寒變為熱而作胃實腹滿仲景以大承氣湯治之亦有膏粱之人濕熱鬱於內而成脹滿者此熱脹之謂也大抵寒脹多而熱脹少治之者宜詳辨之

諸腹脹大皆屬於執論

諸腹脹大皆屬於熱此乃八益之邪有餘之證自天外而入是感風寒之邪傳裏寒變為熱作胃實日晡潮濕大渴引飲讖語是太陽陽明并大實大滿者大承氣下之少陽陽明微滿實者小承氣下之泄之則脹已此之謂也假令痃瘕為脹滿亦有寒脹熱脹是天之邪氣傷暑而得之不即時發至秋暑氣衰絕而瘧病作矣知其寒也局方用交解飲子者是也內虛不足寒濕令人中滿及五臟六腑俱有脹滿更以脉家寒熱多少較之胃中寒則脹滿濁氣在上則生腹脹脹取三陽三陽者足太陽膀胱寒水為脹腹暴滿按之不下取太陽經絡者胃之募也正同腹滿腹脹肢膈脘脇下厥上冒過在太陰陽明胃中寒濕鬱遏

也太陰脹復不利不欲食則嘔不得卧按所說寒脹之多如此中滿治法當開鬼門潔淨府開鬼門者謂發汗也潔淨府者利小便也中滿者瀉之於內謂脾胃有病當令上下分消其濕下焦如瀆氣血自然分化不待泄澤穢如滿大實大滿大小便不利從權以寒熱藥下之或傷酒濕麵及味厚之物膏粱之人或食已便卧使濕熱之氣不得施化致令腹脹滿此脹亦是熱脹治熱脹分消丸主之

如或多食寒涼及脾胃久虛之人胃中寒則脹滿或感寒生滿病以治寒脹中滿分消湯主之

中滿分消丸 治中滿熱脹鼓脹氣脹水脹此非寒脹類

白朮 人參 炙甘草 猪苓去黑皮 姜黃已上各一錢 白茯苓去皮 乾生薑 砂仁已上各二錢

澤瀉 橘皮已上各三錢 知母炒四錢 黃芩去腐炒夏用一兩二錢 黃連淨炒 半夏湯洗七次 枳實炒已上各五錢

厚朴薑製一兩 右除茯苓澤瀉生薑外共為極細末入上三味和勻湯浸餗餅為丸如梧桐子大每服

一百丸焙熟白湯下食遠服量病人大小加減

中滿分消湯 治中滿寒脹寒疝大小便不通陰躁足不收四肢厥逆食入反出下虛帶滿腹中寒心下

痞下焦躁寒沉厥奔豚不收

川烏 澤瀉 黃連 人參 青皮 當歸 生薑 麻黃 柴胡 乾薑

華澄茄已上各二分 益智仁 半夏 茯苓 木香 升麻已上各二分 黃芪 吳茱萸

厚朴 草豆蔻仁 黃蘗已上各五分 右剉如麻豆大都作一服水二大盞煎至一盞食前熱服

忌房室酒濕麵生冷及油膩等物

廣茂潰堅湯 治中滿腹脹內有積聚堅硬如石其形如盤令人不能坐卧大小便澀滯上喘氣促面色痿黃通身虛腫

廣茂 紅花 升麻 吳茱萸已上各二分 生甘草 柴胡 澤瀉 神麴 青皮

陳皮已上各三分 厚朴用生 黃芩 黃連 益智仁 草豆蔻仁 當歸稍已上各五分 半夏

如渴加 葛根分四 右剉如麻豆大水二大盞煎至一盞稍熟服食遠忌酒醋濕麵服二服之

後中滿減半止有積不消再服後藥

半夏厚朴湯

紅花 蘇木已上各半分 吳茱萸 乾生薑 黃連已上各一分 木香 青皮已上各二分 肉桂

蒼朮 白茯苓 澤瀉 柴胡 陳皮 生黃芩 草豆蔻仁 生甘草已上各三分

京三稜 當歸稍 猪苓 升麻已上各四分 神麴分六 厚朴分八 半夏錢一 桃仁七箇 昆布

許如渴加 葛根分三 右咬咀作一服水三盞煎至一盞去粗稍熟服此藥二服之後前證又減

一半却於前藥中加減服之

破滯氣湯名木香化滯散 破滯氣治心腹滿悶

炙甘草分四 白檀 藿香 陳皮 大腹子 白豆蔻仁 白茯苓 桔梗已上各分

砂仁 人參 青皮 檳榔 木香 姜黃 白朮已上各錢 右咬咀每服三錢水

二盞煎至一盞去粗溫服不拘時

草豆蔻湯 治腹中虛脹

澤瀉一分 木香三分 神麴四分 半夏製 枳實 草豆蔻仁 黃芪春夏去之 益智 甘草已

各五分 青皮 陳皮已上各 茯苓 當歸已上各 右為粗末都作一服水二大盞生薑三

片煎至一盞去粗溫服冬月加黃芪五七分春夏止服正藥食遠

心腹痞悶

消痞丸 治心下痞悶一切所傷及積年不愈者

乾生薑 神麴炒 炙甘草已上各 猪苓二分 澤瀉 厚朴 砂仁已上各 半夏湯洗

陳皮 人參已上各 枳實五錢 黃連淨炒 黃芩已上各 姜黃 白朮已上各 右為細末

湯浸餛餅為丸如梧桐子大每服五七丸至百丸白湯送下食遠服

失笑丸一名枳實消痞丸 治右關脉弦心下虛痞惡食懶倦開胃進飲食

乾生薑一錢 炙甘草 麥蘖麵 白茯苓 白朮已上各 半夏麴 人參已上各

厚朴四錢 枳實 黃連已上各 右為細末湯浸餛餅為丸如梧桐子大每服五七丸白湯

下食遠服

黃連消痞丸 治心下痞滿壅滯不散煩熱喘促不安

澤瀉 姜黃已上各 乾生薑二錢 炙甘草 茯苓 白朮已上各 陳皮五錢 猪苓已

各五分 枳實炒 半夏九 黃連兩 黃芩炒 右為細末湯浸餛餅為丸如梧桐子大每服

五十九丸温湯下食達

消痞丸一名木香化滯湯 治因憂氣鬱結中脘腹皮裏微痛心下痞滿不思飲食

枳實炒 當歸稍二分 陳皮 生薑 木香三分 柴胡四分 草豆蔻 炙甘草五分

半夏錢一 紅花許少 右為粗末作一服水二盞生薑二片煎至一盞食遠服忌酒濕麵

葶藶丸一名人參順氣飲子 治心下痞胸中不利

半夏洗 厚朴炙 石膏 青皮已上各五分 當歸身七分 白豆蔻仁 縮砂 茵陳製酒

乾葛已上各錢一 炙甘草 羌活 黃芩一半酒洗 苦葶藶酒洗 人參 柴胡 獨活

已上各錢一 右為細末湯浸餗餅和勻篩子內擦如米大每服二錢臨卧用一口湯下

胃脘痛門

草豆蔻丸 治脾胃虛弱而心火乘之不能滋榮上焦元氣遇寒腎與膀胱寒水旺時子能令母實以致

肺金大腸相輔而來尅心乘脾胃此大復讎也經云大勝必大復理之常也故皮毛血脉分肉之間元

氣已絕於外又大寒大燥二氣併乘之則苦惡風寒耳鳴及腰背相引而痛鼻息不通不聞香臭額寒

腦痛大惡風寒日時眩不欲開腹中為寒水反乘痰唾沫食則反出腹中常痛心胃作痛腸下縮急

有時而痛腹不能努大便多瀉而少秘下氣不絕或腹中鳴此脾胃虛之至極也胸中氣亂心煩不安

而為霍亂之漸咽膈不通極則咽塞有聲喘喝閉塞或於日陽處或於暖室中少緩口吸風寒之氣則

復作四肢厥冷身體沉重不能轉側頭不可以回顧小便澀而時躁此藥主之秋冬寒涼大復氣之藥

也

神翹末

柴胡詳脇下痛多少用之

姜黃已上各四分

當歸身

青皮已上各六分

黃芪

人參

益

智仁

吳茱萸湯洗焙乾

陳皮

白僵蠶已上各一分

澤瀉小便數減半

半夏已上各一錢洗

甘草生六分熟六分

麥蘖麵一錢五分炒

草豆蔻仁麵裹燒熟為度一錢四分

桃仁七箇湯浸去皮尖

右除桃仁別研如泥餘為細末同研

勻湯浸餗餅為丸如梧桐子大每服五七十九丸白湯下食遠服

神聖復氣湯

治復氣乘冬陽太陽寒水足少陰腎水之旺子能令母實手太陰肺實反來尅土火木受

邪腰背胸膈閉塞痰痛善噎口中涎目中泣鼻中流濁涕不止或如息肉不聞香臭咳嗽痰沫上熱如

火下寒如水頭作陣痛目中流火視物眩暈耳聾耳鳴頭并口鼻大惡風寒喜日晴暖夜卧不安常覺

痰塞咽膈不通口不知味兩脇縮急而痛牙齒動搖不能嚼物膈腹之間及尻脅足膝不時寒冷前陰

冷而多汗行步欹側起居艱難麻木風痺小便數氣短喘喝少氣不足以息遺失無度及婦人白帶陰

戶中大痛牽心而痛面色顰黑男子控辜痛牽心腹或面色如赭食少大小便不調煩心霍亂逆氣裏

急腹不能努或腸鳴膝下筋急肩胛大痛此皆寒水來復火土之隣也

乾薑炮

黑附子炮已上各三分

防風

人參

郁李仁另研已上各五分

當歸身酒洗六分

半夏湯洗

升麻已上各七分

藁本

甘草已上各八分

柴胡

羌活已上各一錢

白葵花五朵去心剪碎

右件都作一

服水五大盞煎至一盞入黃芪一錢橘紅五分草豆蔻仁一錢麵裹煨熟去皮一錢同煎至一盞再

入下項藥黃蘗三分酒浸黃連三分酒浸枳殼三分生地黃三分酒洗此四味預一日另用新水浸

又以華細辛二分川芎細末三分蔓荊子三分作一處浸此三味并黃蘗等煎正藥作一大盞不去粗入此所浸之藥再上火同煎至一大盞去粗熟服空心又能治嚙頰嚙唇舌舌根強硬等證如神忌肉湯宜食肉不助經絡中火邪也大抵腎元與膀胱經中有寒氣不足者并宜服之於月生月滿時食隔三五日一服如病急不拘時候

麻黃豆蔻丸 治客寒犯胃心胃大痛不可忍

木香 青皮 紅花 厚朴已上各二分 蘇木三分 華澄加四分 升麻 半夏湯洗 麥蘗麵

縮砂仁 黃芪 白朮 陳皮去白 柴胡 炙甘草 吳茱萸 當歸身已上各五分

益智仁分 神麴末二錢炒 麻黃下去節三錢 草豆蔻仁五錢 右為細末湯浸餗餅為丸如梧桐子大

每服五十丸白湯下或細嚼湯下亦可

### 酒傷病論

論酒大熱有毒氣味俱陽乃無形之物也若傷之則止當發散汗出則愈矣此最妙法也其次莫如利小便二者乃上下分消其濕荷酒病之有今之酒病者往往服酒癥丸大熱之藥下之又用牽牛大黃下之是無形元氣受病反下有形陰血乖悞甚矣酒性大熱已傷元氣而復重瀉之况亦損腎水真陰及有形陰血俱為不足如此則陰血愈虛真水愈弱陽毒之熱大旺反增其陰火是謂元氣消亡七神何依折人長命雖不即死而虛損之病成矣金匱要略云酒疸下之久久為黑疸慎不可犯此戒不若令上下分消其濕當以葛花解醒湯主之

葛花解酲湯

木香分五

人參去節

猪苓去黑皮

白茯苓

橘皮已上各一錢五分

白朮

乾生薑

神麴炒

澤瀉已上各二錢

蓮花青皮三錢

縮砂仁

白豆蔻仁

葛花已上各五錢

右為極細末和勻每服

三錢七白湯調下但得微汗酒病去矣此蓋不得已而用豈可恃賴日日飲酒此藥氣味辛辣偶因

酒病服之則不損元氣何者敵酒病故也若頻服之損人天命

枳朮丸 治痞消食強胃

枳實麩炒黃

白朮二兩

右為極細末荷葉裹燒飯為丸如菘豆一倍大每服五十九白湯下不拘

時候量所傷多少加減服之

半夏枳朮丸 治因冷物內傷

半夏湯洗七次一兩

枳實麩炒黃

右三味為極細末荷葉裹燒飯為丸如菘豆一倍大每服五十九白

湯下量所傷加減服之

橘皮枳朮丸 治元氣虛弱飲食不消或臟腑不調心下痞悶

橘皮

枳實麩炒黃色

白朮二兩

右為極細末荷葉裹燒飯為丸如菘豆一倍大每服五十

丸白湯下量所傷加減服之

除濕益氣丸 治傷濕麵心腹滿悶肢體沉重

紅花三分

蘿蔔子炒熟

枳實麩炒黃色

黃芩生用

神麴炒黃

白朮已上各一兩

右同為



細末荷葉裹燒飯為丸如菘豆一倍大每服五十九丸白湯下量所傷加減服之

除濕散 治傷馬奶子并半羊酪水一切冷物

甘草炙 紅花已上各二錢 半夏湯洗七次 乾生薑已上各三錢 車前子 澤瀉已上各五錢

茯苓七錢 神麴炒黃色一兩 右為極細末每服三錢 白湯調下食前

升麻黃連丸 治多食肉口臭不欲聞其穢惡氣使左右不得近

白檀二錢 生甘草三錢 生薑取自然汁 蓮花青皮 升麻已上各五錢 黃連去鬚一兩 黃芩

去腐酒洗二兩 右為細末湯浸餛餅為丸如彈子大每服一丸細嚼白湯下食後

上二黃丸 治傷熱食痞悶兀兀欲吐煩亂不安

甘草二錢 升麻 柴胡已上各三錢 黃連酒洗一兩 黃芩二兩 一方加枳實五錢 右為細末

湯浸餛餅為丸如菘豆大每服五十九丸白湯下食遠

治傷冷飲者以五苓散每服二錢三錢七加生薑煎服之

治傷食蕪傷冷飲者煎五苓散送半夏枳木丸

治傷冷飲不惡寒者腹中亦不覺寒惟覺悶身重食不化者或小便利煎去桂五苓散依前斟酌服之

瓜蒂散 上部有脉下部無脉其人當吐不吐者死何謂也下部無脉此謂木鬱也飲食過飽填塞胸中

胸中者太陰之分野經曰氣口反大於人迎三倍食傷太陰故曰木鬱則達之吐者是也

瓜蒂 赤小豆已上各等分 右二味為極細末每服二錢七温漿水調下取吐為度右不至兩手尺

脉絕無不宜使用此藥恐損元氣令人胃氣不復若止是胸中室塞悶亂不通以指探去之如不得吐者以物探去之得吐則已如食不去用此藥吐之解云盛食填塞於胸中為之室塞兩寸脉當主事兩尺脉不見其理矣安在胸中有食故以吐出之食者物也物者坤土也是足太陰之號也胸中者肺也為物所填肺者手太陰金也金生殺伐也與坤土俱在於上而旺於天金能剋木故肝木生發之氣伏於地下非木鬱而何吐去上焦陰土之物木得舒暢則鬱結去矣食塞於上脉絕於下右不明天地之道無由達此至理水火者陰陽之徵兆天地之別名也故曰獨陽不生獨陰不長天之用在於地下則萬物生長矣地之用在於天上則萬物收藏矣此乃天地交而萬物通也此天地相根之道也故陽火之根本於地下陰水之原本於天上故曰水出高原故人五臟主有形之物物者陰也陰者水也右三部脉主之偏見於寸口食塞其上是絕五臟之源源絕則水不下流兩尺竭絕此其理也何疑之有假令所傷前後不同以分為率傷熱物二分傷生冷硬物一分用寒藥三黃丸二停熱藥巴豆三稜丸一停合而服之如熱物傷少而寒物傷多則寒藥少而熱藥多也假令夏月大熱之時傷生冷硬物當用熱藥巴豆三稜丸治之須加三黃丸謂天時不可伐故加寒藥以順時令若熱物則用三黃丸何謂此三黃丸時藥也假令冬天大寒之時傷羊肉大麵等熱物當用三黃丸治之須加熱藥少許草豆蔻丸之類是也為引用又為時藥經云必先歲氣無伐天和此之謂也除時做此

消渴門

消渴論

陰陽別論云二陽結謂之消脉要精微論云瘴成謂消中夫二陽者陽明也手陽明大腸主津病消則目黃口乾是津不足也足陽明胃主血熱則消穀善飢血中伏火乃血不足也結者津液不足結而不潤皆燥熱為病也此因數食甘美而多肥故其氣上溢轉為消渴治之以蘭除陳氣也不可服膏粱芳草石藥其氣標悍能助燥熱也越人云邪在六腑則陽脉不和陽脉不和則氣留之氣留之則陽脉盛矣陽脉大盛則陰氣不得營也故皮膚肌肉消削是也經云凡治消瘴什繫偏枯痿厥氣滿發逆肥貴人則膏粱之疾也岐伯曰脉實病久可治脉弦小病久不可治後分為三消兩消者舌上赤裂大渴引飲逆調論云心移熱於肺傳為膈消者是也是以白虎加人參湯治之中消者善食而瘦自汗大便硬小便數叔和云口乾饒飲食亦多虛癯成消中者是也以調胃承氣三黃丸治之下消者煩燥引飲耳輪焦乾小便如膏叔和云焦煩水易虧此腎消也以六味地黃丸治之總錄所謂未傳能食者必發腦疽背瘡不能食者必傳中滿鼓脹皆謂不治之證潔古老人分而治之能食而渴者白虎加人參湯不能食而渴者錢氏方白朮散倍加葛根治之上中既平不復傳下消矣前人用藥厥有旨哉或曰未傳瘡疽者何也此火邪勝也其瘡痛甚而不潰或赤水者是也經云有形而不痛陽之類也急攻其陽無攻其陰治在下焦元氣得強者生失強者死未傳中滿者何也以寒治熱雖方士不能廢其繩墨而更其道也然臟腑有遠近心肺位近宜制小其服腎肝位遠宜制大其服皆適其至所為故如過與不及皆誅罰無過之地也如膈消中消制之太急速過病所久而成中滿之病止謂上熱未除中寒復消者也非藥之罪失其緩急之制也處方之制宜加意焉

和血益氣湯 治口乾舌乾小便數舌上赤脉此藥生津液除乾燥生肌肉

柴胡 炙甘草 生甘草此味治口乾舌乾也 麻黄根已上各三分 酒當歸稍四分 酒知母

酒浸防己 羌活已上各五分 石膏六分治小便赤色 酒生地黃七分 酒黃連八分治舌赤脉也

酒黄蘗 升麻已上各一錢 杏仁 桃仁已上各六箇 紅花許少 右咬咀都作一服水二大盞煎至一盞去粗温服忌熱濕麵酒醋等物

煎至一盞去粗温服忌熱濕麵酒醋等物

當歸潤燥湯 治消渴大便閉澀乾燥結硬善温飲陰頭退縮舌燥口乾眼澀難開及於黑處見浮雲

細辛一分 生甘草 炙甘草 熟地黄以上各三分 柴胡七分 黄蘗 知母 石膏

桃仁泥子 當歸身 麻子仁 防風 荆芥穗已上各一錢 升麻一錢五分 紅花許少

杏仁六箇 小椒三箇 右咬咀都作一服水二大盞煎至一盞去粗熟服食遠忌辛熱物

生津甘露湯 治消中能食而瘦口舌乾自汗大便結燥小便頻數

升麻四分 防風 生甘草 漢防己 生地黃已上各五分 當歸身六分 柴胡

羌活 炙甘草 黄芪 酒知母 酒黄芩已上各一錢 酒龍膽草 石膏 黄蘗

已上各一錢五分 紅花許少 杏仁五箇 杏仁十箇 右咬咀都作一服水二盞酒一匙煎至一盞稍

此服食遠

肌湯一名清神補氣湯 前消渴證纔愈上有口乾腹不能努此藥主之

地黄 細辛已上各一分 熟地黄三分 石膏四分 黄蘗酒製 黄連酒製 生甘草

知母已上各五分 柴胡七分 當歸身 荊芥穗 桃仁 防風已上各一錢 升麻五分

紅花許少 杏仁六箇 小椒兩 右哎咀都作一服水二大盞煎至一盞食遠稍熟服之

甘草石膏湯 湯病久愈又添舌白沫微腫咽喉噤津作痛益腫時時有渴喜冷飲口中白沫如膠

生地黃 細辛已上各一分 熟地黃 黃連已上各三分 甘草五分 石膏六分 柴胡七分

黃蘗 知母 當歸身 桃仁炒去皮尖 荊芥穗 防風已上各一錢 升麻五分

紅花許少 杏仁六箇 小椒兩 右如麻豆大都作一服水二盞煎至一盞食後溫服

甘露膏一名蘭香飲子 治消渴飲水極甚善食而瘦自汗大便結燥小便頻數

半夏二分 熟甘草 白豆蔻仁 人參 蘭香 升麻 連翹 桔梗已上各五分

生甘草 防風已上各一錢 酒知母五分 石膏三錢 右為極細末湯浸餗餅和勻成劑捻作

薄片于日中晒半乾擦碎如米大每服二錢淡生薑湯送下食後

生津甘露飲子 治消渴上下齒皆麻舌根強硬腫痛食不能下時有腹脹或瀉黃如糜名曰餐泄渾身

色黃目睛黃甚四肢痿弱前陰如水尻髻腰背寒面生蠶色脇下急痛善噦喜怒健忘

霍香二分 柴胡 黃連 木香已上各三分 白葵花 麥門冬 當歸身 蘭香已上各五分

各五 華澄茄 生甘草 山梔子 白豆蔻仁 白芷 連翹 姜黃已上各一錢

石膏一錢 杏仁去皮 酒黃蘗已上各五分 炙甘草 酒知母 升麻 人參已上各一錢

桔梗三錢 全蝎兩箇去毒 右為細末湯浸餗餅和勻成劑捻作片子日中晒半乾擦碎如黃米大每

服二錢津唾下或白湯送下食遠服

### 眼耳鼻門

諸脉者皆屬於目論

陰陽應象論云諸脉皆屬於目目得血而能視五臟六腑精氣皆上注於目而為之精精之窠則為眼骨之精為瞳子筋之精為黑眼血之精為絡其窠氣之精為白眼肌肉之精則為約束裏攣筋骨血氣之精而與脉并為系上屬於腦後出於項中故邪中於項因逢其身之虛其入深則即隨眼系入於腦則腦轉腦轉則引目系急目系急則目眩以轉矣邪中其精其精所中不相比也則精散精散則視岐故見兩物目者五臟六腑之精榮衛魂魄之所常營也神氣之所主也故神勞則魂魄散志意亂是故瞳子黑眼發於陰白眼赤脉發於陽故陰陽合傳而為精明也目者心之使也心者神之舍也故神精亂而不轉卒然見非常之處精神魂魄散不相得故曰惑也夫十二經脉三百六十五絡其血氣皆上走於面而走空竅其清陽氣上散於目而為精其氣走於耳而為聽因心煩冗飲食失節勞役過度致脾胃虛弱心火大盛則百脉沸騰血脉逆行邪害空竅天明則日月不明矣夫五臟六腑之精氣皆稟受於脾上貫於目脾者諸陰之首也目者血脉之宗也故脾虛則五臟之精氣皆失所司不能歸明於目矣心者君火也主人之神宜靜而安相火代行其令相火者包絡也主百脉皆榮於目既勞役運動勢乃妄行又因邪氣所并而損血脉故諸病生焉凡醫者不理脾胃及養血安神治標不治本是不明正理也

凡心包絡之脉出於心中以代心君之行事也與少陽為表裏瞳子散大者少陰心之脉挾目系厥陰肝之脉連目系心主火肝主木此木火之勢盛也其味則宜苦宜酸宜涼大忌辛辣熱物以助木火之邪也飲食中常知此理可也夫辛主散熱則助火故不可食諸酸主收心氣瀉木火也諸苦瀉火熱則益水也尤忌食冷水大寒之物此則能損胃氣胃氣不行則元氣不生元氣不則生胃氣下流胸中二焦之火及心火乘於肺上入腦灼髓火主散溢瞳子開大大熱之物又助火邪此蓋不可食驗也藥中去芫蔚子以味辛及主益睛辛者是助火也故去之乃加黃芩黃連瀉中焦之火苓能瀉上焦肺中之火以酒洗之乃寒因熱用也又去青箱子以助陽火也加五味子以收瞳人開大且火之與氣勢不兩立故內經曰壯火食氣氣食少火少火生氣壯火散氣諸酸之物能助元氣孫真人云五月常服五味助五臟氣以補西方肺金經云以酸補之以辛瀉之辛瀉氣則明矣或曰藥中有當歸其味亦辛而甘其不去者何此辛甘一味以其和血之聖藥况有甘味又欲以為鄉導為諸藥之使耳

芎辛湯 治兩眼晝夜隱澀難開羞明惡日視物昏暗赤腫而痛

細辛二分

芎藭

蔓荊子五分

甘草

白芷一錢

防風五分

右咬咀都作

一服水二盞煎至一盞臨卧温服

碧天丸一名井珠丸

治目疾累服寒涼藥不愈兩眼蒸熱如火之重赤而不痛滿目紅絲血脉貫睛昏悶昏

暗羞明畏日或上下臉赤爛或膏風沙而內外皆昏破洗之神効

枯白礬二分

銅碌七分

瓦粉炒黑兩

右先研白礬銅碌令細旋旋入粉同研勻熟水和之

共為一百丸每用一丸熱湯半盞浸一二箇時辰洗至覺微澀為度合眼半時辰許臨卧更洗之瞑目便睡一丸可洗十遍再用湯內坐令熱此藥治其標右裏實者不宜用

廣大重明湯 治兩目臉赤爛熱腫疼痛并稍赤及眼臉痒痛抓之至破眼弦生瘡目多眵淚隱澀難開

龍膽草 防風 生甘草 細辛已上各一錢 右剉如咀內甘草不對口作一錠先以水一大

碗半煎龍膽一味至一半再入餘三味煎至少半碗濾去粗用清汁帶熱洗以重湯坐令熱日用五

七次但洗畢合眼一時去努肉之長及痒亦驗

百點膏 張濟氏眼病醫六年以至遮瞳人視物不明有雲氣之狀因用此藥而効

麩仁去皮尖三分 當歸身 甘草已上各六分 防風 黃連揀至二錢剉如麻豆大水一大盞煎至一半入藥 右件

剉如麻豆大麩仁別研如泥同煎滴在水中不散入去沫蜜少許再熬少時為度令病人心靜點之

至目中微痛日用五七次臨卧點尤疾効名之曰百點膏但欲多點使藥力相繼也

選奇湯 治眉痛不可忍

炙甘草夏用生用 羌活 防風已上各三錢 酒黃芩一錢冬月不用此一味如能食熱痛倍加之 右咬咀每服五錢

水二盞煎至一盞去粗食後服之

神効明目湯 治眼襖緊急致倒睫拳毛及上下臉皆赤同睛疼昏暗晝則冷淚常流夜則眼澀難開

細辛二分 蔓荊子五分 防風一錢 葛根一錢五分 甘草二錢 一方加 黃芪一錢 右咬咀作

一服水二盞煎至一盞去粗稍熱臨卧服之



羌活退賢膏一名復明膏

治足太陰寒水膜子遮睛白翳在上視物不明

椒樹

東南根二分 西北根二分

藁本

漢防己已上各二分

黃連

防風

麻黃去根節

柴胡

升麻

生地黄已上各三分

生甘草四分

當歸身六分

羌活七分

麩仁六分

右用淨水一

大碗先用漢防己黃連生甘草當歸身生地黄煎至一半下餘藥再煎至一盞去粗入銀石器中再

熬之有力為度

明目細辛湯

治兩目發赤微痛羞明畏日怯風寒怕火眼睫成紐眵糊多隱澀難開眉攢腫悶鼻塞涕

唾稠粘大便微硬

川芎五分

生地黄酒製

蔓荊子已上各六分

當歸稍

白茯苓

藁本已上各一分

荊芥

二錢 防風二錢

麻黃根

羌活已上各三錢

細辛少許

紅花少許

椒八分

桃仁二十箇

右咬咀分作四服每服水二盞煎至一盞去粗稍臨卧熱服之忌酒醋濕麵

復明散 治內障

青皮三分

橘皮

川芎

蒼朮已上各五分

炙甘草

生地黄

連翹

柴胡已上一錢

錢 黃芪一錢五分

當歸身二錢

右剉如麻豆大都作一服水二大盞煎至一盞去粗稍熱服之

食後忌酒醋麵辛熱大料物之類

助陽和血湯

治眼發之後微有上熱白睛紅隱澀難開睡多眵淚

蔓荊子二分

香白芷三分

柴胡

黃芪

炙甘草

當歸身酒洗

防風已上各五分

升麻七分 右咬咀都作一服水一盞半煎至八分去粗稍熱服臨卧避風寒處睡

吹雲膏 治眼中淚及迎風寒泣羞明畏日常欲閉目喜在暗室塞其戶牖醫膜歲久遮睛此藥點之神

驗

細辛一分 升麻 麩仁已上各三分 青皮 連翹 防風已上各四分 柴胡五分 生甘

草 當歸身已上各六分 荆芥穗一錢微取濃汁 生地黄一錢五分 揀黃連三錢 右咬咀除連翹外

用澄清淨水二碗先熬餘藥至半碗入連翹同熬至一大盞許去粗入銀石器內文武火熬滴入水

成珠不散為度入煉去沫熟蜜少許熬勻用之

防風飲子 治倒睫拳毛

細辛 蔓荊子已上各三分 葛根 防風已上各五分 當歸身七分 炙甘草 黃連

人參已上各錢 右剉如麻豆大都作一服水二盞煎至一盞食遠服避風寒

撥雲湯 戊申六月徐總管患眼疾於上眼皮下出黑白醫兩箇隱澀難開兩目緊縮而無疼痛兩手寸

脉細緊按之洪大無力知足太陽膀胱為命門相火煎熬逆行作寒水腎及寒膜遮睛證呵欠善悲健

忘嚏噴眵淚時自淚下面赤而白能食不大便小便數而欠上而喘

黃芪一分 細辛 生薑 葛根 川芎已上各五分 柴胡七分 荆芥穗 藁本

生甘草 升麻 當歸身 知母已上各五分 羌活 防風 黃蘗已上各一分 右咬

咀都如麻豆大作一服水二盞煎至一盞去粗執服食後

竹効黃芪湯 治渾身麻木不仁或頭面手足肘背或腿脚麻木不仁並皆治之如兩目緊急縮小及羞明畏日隱澀難開或視物無力睛痛昏花手不得近或目少精光或目中熱如火服五六次可効

蔓荊子一錢 陳皮去白五錢 人參八錢 炙甘草 白芍藥已上各一兩 黃芪二兩 右咬咀每

服五錢水二盞煎至一盞去粗臨卧稍執服

如小便淋澀加澤瀉五分一服去則止

如有大熱證每服加酒洗黃蘗三分

如麻木不仁雖有熱不用黃蘗止加黃芪兩通三兩也

如眼縮急去芍藥忌酒醋麵大料物葱韭蒜辛物

如麻木甚者加芍藥兩通用二兩

圓明內障升麻湯一名中和養胃湯 治內障眼得之脾胃元氣衰弱心火與二焦俱盛飲食不節形體勞役心

不得休息故上為此疾

乾薑一錢 五味子二錢 白茯苓三錢 防風五錢 白芍藥六錢 柴胡七錢 人參

炙甘草 當歸身酒洗 白木 升麻 葛根已上各一兩 黃芪 羌活已上各一兩五錢 右

咬咀每服五七錢水三大盞煎至二大盞入黃芩黃連二錢同煎數沸去粗煎至一盞執服食達

黃芩黃連湯

黃芩酒洗炒 黃連酒洗炒 龍膽草酒洗四次炒四次 生地黃酒洗已上各一兩 右咬咀每服二錢水二

蓋煎至一盞去粗熱服

蔓荊子湯 治勞役飲食不節內障眼病此方如神效

蔓荊子二錢五分 黃蘗酒拌炒四遍 白芍藥三錢 炙甘草八錢 黃芪 人參已上各兩

右吹咀每服三錢或五錢水二盞煎至一盞去粗臨卧温服

歸琴湯一名連翹子 治目中溜火惡日與火隱濕難開小角緊視物昏花迎風有淚

柴胡二分 生甘草 蔓荊子 連翹 生地黄 當歸身 紅葵花 人參已上各三分

黃芪 酒黃苓 防風 羌活已上各五分 升麻一錢 右吹咀每服五錢水二盞煎

至一盞去粗食後温服

救苦湯 治眼暴發赤腫臉高苦疼不任者

桔梗 連翹 紅花 細辛已上各一分 當歸身夏月減半 炙甘草已上各五分 蒼朮

草龍膽已上各七分 羌活太陽 升麻陽 柴胡少陽 防風 藁本 黃連已上各一錢

生地黄 黃蘗 黃苓 知母已上各錢五分 川芎三錢 右吹咀每服一兩水二盞煎至一盞

去粗食後温服

若苦疼則多用苦寒者兼治本經之藥再行加減如睛昏加知母黃蘗一倍

熟乾地黄丸 治血弱陰虛不能養心致 旺陽火甚瞳子散大少陰為火君主無為不行其令相火代

之兼心已絡之脉出心系分為三道少陽相火之體無形其用在其中矣火盛則令母實乙木肝旺是

也心之脉挾於目系肝連目系况手足少陽之脉同出耳中至耳上角斜起於目外皆風熱之盛亦從此道而來上攻頭目致偏頭腫悶瞳子散大視物則花此由血虛陰弱故也法當養血涼血益血收火之散大除風之執則愈矣

人參二錢

炙甘草

天門冬湯洗去心

地骨皮

五味子

枳殼炒

黃連已上各三錢

當歸身酒洗焙乾

黃芩已上各五錢

生地黃酒洗七錢分五

柴胡八錢

熟乾地黃兩

右件同為細

末煉蜜為丸如梧桐子大每服一百丸茶湯送下食後日進二服

益陰腎氣丸

此壯水之主以鎮陽光

澤瀉

茯苓已上各二錢五分

生地黃酒洗

牡丹皮

山茱萸

當歸稍洗

五味子

乾山藥

柴胡已上各五錢

熟地黃兩

右為細蜜煉蜜為丸如梧桐子大硃砂為衣每服五十

丸淡鹽湯下空心

羌活退賢丸

治內障右眼小眦青白翳大眦微顯白翳腦痛瞳子散大上熱惡熱大便秘澀小便如常

遇天氣暄熱頭痛睛脹可服此藥賢在大眦加葛根升麻賢在小眦加柴胡羌活是也

黑附子炮

寒水石已上各一錢

酒防己二錢

知母炒酒

牡丹皮

羌活

川芎已上各三錢

酒黃蘗

生地黃酒洗炒

丹參

羌蔚子

酒當歸身

柴胡已上各五錢

熟地黃八錢

芍藥一兩三錢

右為細末煉蜜為丸如梧桐子大每服五七十九白湯下空心宿食未消待饑則服之

藥後省語言以食壓之

當歸龍膽湯 治眼中白翳

防風

石膏已上各一錢五分

柴胡

羌活

五味子

升麻已上各一錢

甘草

酒黃

連

黃芪已上各一錢

酒黃芩炒

酒黃蘗炒

當歸身酒洗

草龍膽酒洗

芍藥已上各一錢

右吹咀每服五錢水二盞煎至一盞去粗入酒少許臨卧熱服忌言語

補陽湯 治陽不勝其陰乃陰勝陽虛則九數不通令青白翳見於大眥乃足太陽少陰經中鬱遏足厥

陰肝經氣不得上通於目故青白翳內阻也當於太陽少陰經中九原之下以益肝中陽氣衝天上行

此乃先補其陽後於足太陽太陰標中標者頭也瀉足厥陰肝經火下伏於陽中乃次治也內經云陰盛陽

虛則當先補其陽後瀉其陰此治法是也每日清晨以腹中無宿食服補陽湯臨卧服瀉陰丸若天色

變經大寒大風并勞後預日飲食不調精神不足或氣弱俱不可服待體氣和平天氣如常服之先補

其陽使陽氣上升通於肝經之末利空竅於目矣

肉桂一錢去皮

知母炒

當歸身酒洗

生地黄酒炒

白茯苓

澤瀉

陳皮已上各三錢

白芍藥

防風已上各五錢

黃芪

人參

白朮

羌活

獨活

熟地黄

甘草已上各一兩

柴胡二兩

右吹咀每服五錢水二盞煎至一大盞去粗空心服之

瀉陰火丸一名連藥益陰丸

石決明三錢炒存性

羌活

獨活

甘草

當歸稍

五味子

防風已上各五錢

草決明

細黃芩

黃連炒

黃蘗

知母已上各一兩

右為細末煉蜜為丸如菉豆大每

服五十九至一百丸茶清下常多服補陽湯少服此藥多則妨飲食

升陽柴胡湯

肉桂五分

柴胡去節一分

知母酒炒如大者加作五錢

防風

白茯苓

澤瀉

陳皮已上各一錢

生地黃酒炒

楮實酒炒

黃芪

人參

白朮已上各五錢

甘草稍

當歸身

羌活

熟地黃

獨活

白芍藥已上各一兩

右對每服五錢水二盞煎至一盞去粗稍熟食遠服

別合一料煉蜜為丸如梧桐子大每服五十九丸茶清下每日與前藥各一服食遠不可飽服

如天氣熱加五味子三錢

天門冬去心 芍藥 楮實已上各五錢

溫衛湯 治鼻不聞香臭目中流火氣寒血熱冷淚多臍下冷陰汗足痿弱

陳皮

青皮

黃連

木香三分

人參

炙甘草

白芷

防風

黃蘗

澤瀉已上各五分

黃芪

蒼朮

升麻

知母

柴胡

羌活已上各一錢

當歸身一錢五分

右都作一服水二盞煎至一盞去粗食遠服之

圓明膏 治勞心過度飲食失節乃生內障及腫子散大此方收睛圓明

訶子皮濕紙裏煨

甘草已上各二錢

當歸身三錢

柴胡

生地黃

麻黃去節搗開

黃連已上

各五錢 右七味先以水二碗煎麻黃至一碗掠去沫外六味各咬咀如豆大篩去未入在內同煎滴

水中不散為度入熟蜜少許再熬勤點眼

嗜藥麻黃散 治內外障眼

麻黃兩一  
療本滋腎丸

當歸身一錢

右二味同為粗末炒黑色入麝香乳香少許共為細末含水鼻內噴之

黃蘗酒炒

知母酒炒已上各等分

右為細末滴水為丸如梧桐子大每服一百丸至一百五十丸空心

鹽白湯下

加味滋腎丸

肉桂三分

黃連一錢

姜黃一錢五分

苦參三錢

苦葶酒洗

石膏覺肚冷勿用

黃蘗酒炒

知母酒炒已上各五錢

右為極細末打薄麵糊為丸如梧桐子大每服一百丸空心服白湯下食壓之

退賢膏 治黑白腎

麩仁

升麻已上各三分

連翹

防風

青皮已上各四分

甘草

柴胡已上各五分

當歸身六分

荊芥穗十錢水半盞別浸

生地黃一錢五分

黃連三錢

右用水一碗入前藥煎至半碗

去粗更上火煎至半盞入荊芥水兩匙入蜜少許再上火熬勻點之

龍膽飲子 治疳眼流膿生疳腎濕熱為病

穀精草

川鬱金

蛇退皮

炙甘草已上各五分

麻黃一錢五分

升麻二錢

青蛤粉

草龍膽

黃芩炒

羌活已上各三錢

右為細末每服二錢食後溫茶清調服之

柴胡聰耳湯 治耳中乾結耳鳴耳聾

連翹四錢

柴胡三錢

炙甘草

當歸身

人參已上各一錢

水蛭五分研炒

麝香少許研



蜜虫三箇去翅足炒另研

右除三味別研外生薑三片水二大盞煎至一盞去粗再下三味上火煎一二沸

稍熱服食遠

羌活退賢湯 治太陽寒水醫膜遮睛不能視物

羌活一兩五錢

防風一兩

荊芥穗煎成藥加之

薄荷葉

藎本已上各七錢

酒知母五錢

黃蘗四錢

川芎

當歸身已上三錢

酒生地黃一錢

小椒五分

細辛少許

麻黃二錢用根

右咬咀每服三錢水二大盞煎至一盞半入荊芥穗再煎至一盞去粗稍熱服食遠忌酒醋濕麵物

還睛紫金丹 治目眦歲久赤爛俗呼為赤瞎是也當以三稜針刺目眦外以瀉濕熱如眼生倒睫拳毛

兩目緊蓋內伏火熱而攻陰氣法當去其熱內火邪眼皮緩則毛立出醫膜亦退用手法攀出內臉向

外以針刺之出血

白沙蜜二十兩

甘石十兩燒七通碎連水浸拌

黃丹六兩水飛

揀連三兩小便浸碎為末

南乳香

當歸已上各一錢

烏魚骨二錢

礪砂小盞內放於瓶口上熏乾

麝香已上各一錢

白丁香直者五分

輕粉一兩 右

將白沙蜜於沙石器內慢火去沫下甘石次下丹以柳枝攪次下餘藥以粘手為度作丸如雞頭大

每用一丸溫水化開洗

麗澤通氣湯 治鼻不聞香臭

黃芪四錢

蒼朮

羌活

獨活

防風

升麻

葛根已上各三錢

炙甘草二錢

麻黃不去節冬月加

川椒

白芷已上各一錢

右咬咀每服五錢生薑三片棗二枚葱白三寸同煎至

一盞去粗溫服食遠忌一切冷物及風寒涼處坐卧行之

溫肺湯 治鼻不聞香鼻眼多眵淚

丁香分二

防風

炙甘草

葛根

羌活已上各一錢

升麻

黃芪已上各二錢

麻黃不去節四錢

右為粗末水二盞葱白三根煎至一盞去粗食後服

禦寒湯 治寒氣風邪傷於毛皮令鼻壅塞咳嗽上喘之證

黃連

黃蘗

羌活已上各二分

炙甘草

佛甘草

款冬花

白芷

防風已上三分

升麻

人參

陳皮已上各五分

蒼朮分七

黃芪一錢

右咬咀都作一服水二盞煎至一盞

去粗食後熱服

東垣老人 李杲 撰

明 新安 吳勉學 校

頭痛門

頭痛論

金匱真言論云東風生於春病在肝俞在頸項故春氣者病在頭又諸陽會於頭面如足太陽膀胱之脉起於目內眥上額交巔上人絡腦還出別下項病衝頭痛又足少陽膽之脉起於目銳眥上抵頭角病則頭角額痛夫風從上受之風寒傷上邪從外入客於經絡令人振寒頭痛身重惡寒治在風池風府調其陰陽不足則補有餘則瀉汗之則愈此傷寒頭痛也頭痛耳鳴九竅不利者腸胃之所生乃氣虛頭痛也心煩頭痛者病在膈中過在手巨陽少陰乃濕熱頭痛也如氣上不下頭痛癩疾者下虛上實也過在足少陰巨陽甚則入腎寒濕頭痛也如頭半邊痛者先取手少陽陽明後取足少陽陽明此偏頭痛也有真頭痛者甚則腦盡痛手足寒至節死不治有厥逆頭痛者所犯大寒內至骨髓髓者以腦為主腦逆故令頭痛齒亦痛凡頭痛皆以風藥治之者總其大體而言之也高顛之上惟風可到故味之薄者陰中之陽乃自地升天者也然亦有三陰三陽之異故太陽頭痛惡風脉浮緊川芎羌活獨活麻黃之類為主少陽經頭痛脉弦細往來寒熱柴胡為主陽明頭痛自汗發熱惡寒脉浮緩長實者升麻葛根石膏白芷為主太陰頭痛必有痰體重或腹痛為痰癖其脉沉緩蒼木半夏南星為主少陰經頭痛三陰三陽經不流行

而足寒氣逆為寒厥其脉沉細麻黃附子細辛為主厥陰頭痛或吐痰沫厥冷其脉浮緩吳茱萸湯主之血虛頭痛當歸川芎為主氣虛頭痛人參黃芪為主氣血俱虛頭痛調中益氣湯少加川芎蔓荊子細辛其効如神白朮半夏天麻湯治痰厥頭痛藥也青空膏乃風濕熱頭痛藥也羌活附子湯治厥陰頭痛藥也如濕氣在頭者以苦吐之不可執方而治先師嘗病頭痛發時兩頰青黃暈眩目不欲開懶言身體沉重兀兀欲吐潔古曰此厥陰太陰合病名曰風痰以局方玉壺丸治之更灸俠谿穴即愈是知方者體也法者用也徒執體而不知用者弊體用不失可謂上工矣

清空膏 治偏正頭痛年深不愈者善瘥嵐濕熱氣上壅損目及腦痛不止

川芎 伍錢 柴胡 柒錢 黃連 炒 防風 去芦 羌活 已上各壹兩 炙甘草 壹兩 細挺子黃芩 參兩 去皮

劉一半酒 製一半炒 右為細末每服二錢七於盞內入茶少許湯調如膏抹在口內少用白湯送下臨卧

如苦頭痛每服加細辛 貳分 如太陰脉緩有痰名曰痰厥頭痛減羌活防風川芎甘草加半夏 伍錢

如偏正頭痛服之不愈減羌活防風川芎一半加柴胡 壹倍 如發熱惡熱而渴此陽明頭痛只與白

虎湯加好吳白芷

徹清膏

蔓荊子 細辛 已上各壹分 薄荷葉 川芎 已上各壹分 生甘草 熟甘草 已上各伍分 藁本 壹錢 右為細

末每服二錢食後茶清調下

川芎散 治頭目不清利

川芎叁分 柴胡柒分 羌活 防風 藁本 生甘草 升麻已上各壹錢 熟甘草 酒生地黃貳錢

酒黃連炒 酒黃芩已上各肆錢伍分 右為細末每服一錢或二三錢食後茶清調下忌酒濕麪

白芷散一名鬱金散 治頭痛

鬱金壹錢 香白芷 石膏已上各貳錢 薄荷葉 芒硝已上各叁錢 右為極細末口含水鼻內嚙之

碧雲散 治頭痛

細辛 鬱金 芒硝已上各壹錢 蔓荊子 川芎已上各壹錢貳分 石膏壹錢叁分 青黛壹錢伍分 薄荷葉貳錢

紅豆壹箇 右為極細末口嚙水鼻內嚙之

羌活清空膏

蔓荊子壹錢 黃連叁錢 羌活 防風 甘草已上各肆錢 黃芩壹兩 右為細末每服一錢茶清

調下食後臨卧

清上瀉火湯 昔有人年少時氣弱常於氣海三里灸之節次約五七十壯至年老添熱厥頭痛雖冬天

大寒猶喜寒風其頭痛則愈微來暖處或見烟火其痛復作五七年不愈皆灸之過也

荊芥穗 川芎已上各貳分 蔓荊子 當歸身 蒼朮已上各叁分 酒黃連 生地黃 藁本 甘草已上各伍分

升麻 防風已上各柒分 酒黃蘗 炙甘草 黃芪已上各壹錢 酒黃芩 酒知母已上各錢伍分 羌活叁錢

柴胡伍錢 細辛少許 紅花少許 右剉如麻豆大分作二服每服水二盞煎至一盞去

粗稍熱服食後

補氣湯 服前藥之後服此藥

柴胡貳分 升麻叁分 黃芪捌分 當歸身貳錢 炙甘草肆錢 紅花少許 右咬咀作二服

水二盞煎至一盞去粗稍熱服食後

細辛散 治偏正頭痛

細辛 瓦粉已上各 生黃芩 芍藥已上各 酒黃連 川芎已上各 炒黃芩 酒黃芩已上各

錢 炙甘草壹錢 柴胡貳錢 右為麤末每服三錢水一大盞半煎至一盞取清食後服之

羌活湯 治風熱壅盛上攻頭目昏眩

炙甘草叁分 澤瀉叁錢 酒洗瓜蒌根 白茯苓 酒黃蘗已上各 柴胡叁錢 防風 細黃

芩酒洗 酒黃連 羌活已上各 右為麤末每服五錢重水用二盞煎至一盞取清食後臨卧通

口熱服之

養神湯 治精神短不得睡項筋腫急難伸禁甘溫宜苦味

木香 橘皮 柴胡已上各 酒黃芩貳分 人參 黃蘗 白朮 川芎已上各 升麻肆分

蒼朮 麥蘖麵 當歸身 黃連已上各 甘草 半夏已上各 黃芪壹錢 右咬咀每服五錢

水二大盞煎至一盞去粗稍熱服不拘時候

安神湯 治頭痛頭旋眼黑

生甘草 炙甘草已上各 防風貳錢 柴胡 升麻 酒生地黄 酒知母已上各 酒黃蘗 羌

活已上各壹兩

黃芪貳兩

右為麤末每服五錢水二大盞半煎至一盞半加蔓荊子五分川芎三分

再煎至一盞去粗臨臥熱服

半夏白朮天麻湯 范天麟之內有脾胃證時顯煩躁胸中不利大便不通而又為寒氣拂鬱悶亂大作火不伸故也疑其有熱服疎風丸大便行其病不減恐其藥少再服七八九大便復見兩行前證不瘳增以吐逆食不能停痰唾稠粘湧出不止眼黑頭旋惡心煩悶氣短促上喘無力自言心神顛倒目不敢開如在風雲中頭苦痛如裂身重如山四肢厥冷不得安臥余料前證是胃氣已損復下兩次則重虛其胃而痰厥頭痛作矣與此藥而治之

黃蘗貳分酒洗

乾薑叁分

澤瀉

白茯苓

天麻

黃芪

人參

蒼朮已上各伍分

炒神麩

白朮已上各壹錢

麥蘗麵

半夏湯洗

橘皮已上各壹錢伍分

右咬咀每服五錢水二大盞煎至一盞去粗

熱服食前一服而愈此頭痛苦甚謂之足太陰痰厥頭痛非半夏不能療眼黑頭旋風虛內作非天麻不能除黃芪甘溫瀉火補元氣實表虛止自汗人參甘溫瀉火補中益氣二朮俱苦甘溫除濕補中益氣澤瀉茯苓利小便導濕橘皮苦溫益氣調中升陽神麩消食蕩胃中滯氣大麥麩寬中助胃氣乾薑辛熱以滌中寒黃蘗大苦寒酒洗以療火天少火在泉發躁也

口齒咽喉門

口齒論

論曰夫齒者腎之標口者脾之竅諸經多有會於口者其牙齒是手足陽明之所過上齟隸於坤土乃足

陽明胃之脉所貫絡也止而不動下齧嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動齧斷袒脫作痛不已故所治療不同也有惡熱而作痛者有惡寒而作痛者有惡寒惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒齧腫起為痛者有脾胃中有風邪但覺風而作痛者又有牙上多為虫所蝕其齒缺少而色變為虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

羌活散 治客寒犯腦風寒濕腦痛項筋急牙齒動搖內齧袒脫疼痛

藁本 香白芷 桂枝已上各參分 蒼朮 升麻已上各伍分 當歸身陸分 草豆蔻仁壹錢 羌活壹錢

分 羊脛骨貳錢 麻黃去根節 防風已上各參錢 柴胡伍錢 細辛少許 右為細末先用溫水嗽

口淨擦之其痛立止也

草豆蔻散 治寒多熱少牙齒疼痛

細辛葉 防風已上各貳分 羊脛骨貳錢 熟地黄已上各伍分 當歸陸分 草豆蔻仁 黃連已上各壹錢參分

升麻貳錢 右為細末同前牙痛處擦之

麻黃散 治冬寒時分寒濕腦痛項筋急牙齒動搖疼痛

防風 藁本已上各參分 羊脛骨貳錢 當歸身 熟地黄已上各陸分 草豆蔻仁 升麻 黃連已上各壹錢

羌活壹錢 麻黃去節 草龍膽酒洗 生地黄已上壹錢 細辛少許 右為細末依前藥法擦之



熱牙散 一名麝香散

治大熱牙齒瘡露根肉齧脫血出齒動欲落疼痛妨食物饋反忤熱多

熟地黃 二分

益智仁 二分

當歸身 生地黃 麻黃根 酒漢防己

人參

升麻 錢

草豆蔻

黃連

羊脛骨灰 二錢

麝香 少許

右為細末如前藥擦之

治蟲散 一名白芷散

治大寒犯腦牙齒疼痛及蟲痛胃經濕熱腫痛

桂枝 一分

熟地黃 二分

藁本

白芷

當歸身

益智仁

黃連

羌活 伍分

吳茱萸 八分

草豆蔻

黃芪

升麻

羊脛骨灰 錢

麻黃

右為細末同前擦

之

益智木律散

治寒熱牙痛

木律 二分

當歸

黃連

羊脛骨灰

益智皮

熟地黃

草豆蔻皮

升麻

壹錢 伍分

右為細末用度如前擦之

如寒牙痛不用木律

蠍稍散 治大寒風犯腦牙痛

白芷

當歸身 柴胡

桂枝

升麻

防風

藁本

黃芪

羌活

草豆

薤皮 錢

麻黃

羊脛骨灰

蠍稍

右為細末如前法用之

白牙散

白芷 柒分

升麻 壹錢

石膏

羊脛骨灰

麝香

右為細末先用溫水嗽口擦

之妙

刷牙藥

麝香壹分 生地黃 酒防己 熟地黃已上各貳分 當歸身 人參已上各叁分 草豆蔻皮伍分 升麻壹錢

羊脛骨灰 黃連已上各貳錢 白豆蔻 草豆蔻已上叁錢 沒石子叁箇 五倍子壹箇 右為極細末

如前法擦之妙

獨聖散 治一切牙痛風疔

北地蒺藜不以多少陰乾 右為細末每用刷牙以熱漿水漱牙外麤末熬漿水刷牙大有神効不可具述

可具述

當歸龍膽散 治寒熱停牙痛

香白芷 當歸稍 羊脛骨灰 生地黃已上各伍分 麻黃 草豆蔻皮 草龍膽 升麻 黃連已上各壹錢

右為細末如前法擦之神効

牢牙地黃散 治腦寒痛及牙痛

藁本貳分 生地黃 熟地黃 羌活 防己 人參已上各壹錢 當歸身 益智仁已上各壹錢 香白芷

黃芪已上各伍分 羊脛骨灰 吳茱萸 黃連 麻黃已上各壹錢 草豆蔻皮貳分 升麻壹錢 右為

細末如前法擦之

細辛散 治寒邪風邪犯腦牙齒痛

柴胡 防風 升麻 白芷已上各貳分 桂枝半 麻黃去節 藁本 蒼朮已上各叁分 當歸身肆分

草豆蔻 伍分 羊脛骨灰 羌活 已上各 錢伍分 細辛 少許 右為細末先漱後擦之佳

立効散 治牙齒痛不可忍及頭腦項背痛微惡寒飲大惡熱飲其脉上中下三部陽虛陰盛是五臟內

盛六腑陽道脉微小便滑數

細辛 貳分 炙甘草 叁分 升麻 柒分 防風 壹錢 草龍膽 酒洗 肆錢 右咬咀都作一服水一盞煎

至七分去粗以匙抄在口中焯痛處待少時則止 如多惡熱飲更加草龍膽 壹錢 此法不定隨寒

熱多少臨時加減 若更惡風作痛加草豆蔻黃連 已上各 伍分 勿加草龍膽

穿牙散 治牙齦肉綻有根牙疳腫痛牙動搖欲落牙齒不長牙黃口臭

羌活 壹兩 草龍膽 酒洗 壹兩 伍錢 羊脛骨灰 貳兩 升麻 肆兩 右為細末以紗羅子羅骨火作微塵末

和勻臥時貼在牙齦上

清胃散 治因服補胃熱藥致使上下牙疼痛不可忍牽引頭腦滿面發熱大痛足陽明之別絡入腦喜

寒惡熱乃是手陽明經中熱盛而作也其齒喜冷惡熱

當歸身 擇細黃連 如連不好更加 貳分 夏月倍之 生地黃 酒製 已上 叁分 牡丹皮 伍分 升麻 壹錢 右為細末都作

一服水一盞半煎至一盞去粗帶冷服之

神功丸 治多食肉人口臭不可近牙齒疳蝕牙齦肉將脫牙齒落血不止

蘭香葉 如無薑 香代之 當歸身 藿香 用葉 木香 已上各 壹錢 升麻 貳錢 生地黃 酒洗 生甘草 已上各 叁錢

黃連 去鬚擇淨 酒洗 伍錢 縮砂仁 已上各 五錢 右同為細末湯浸餛餅為丸如菴豆大每服一百丸或加至二百

丸止白湯下食遠服兼治血痢及血崩及血下不止血下褐色或紫色黑色及腸澼下血空心服米湯下其脉洪大而緩者及治麻木厥氣上衝逆氣上行妄聞妄見者

桔梗湯 治咽腫微覺痛聲破

當歸身

馬勃已上各壹分

白殭蠶

黃芩已上各叁分

麻黃 伍分不去節

桔梗

甘草 已上各壹錢

桂枝 許少

右為麤末作一服水二大盞煎至一盞去粗稍熱服之食後

又方 治口瘡久不愈者

黃蘗

不計多少真者蜜其上火黃色

右為細末乾糝瘡上臨卧忌醋醬鹽

神驗法 治口瘡無問久新

夜間將二丸以勒繫左右交手揉三五十次但遇睡覺行之如此三五度因濕而生者一夜愈久病諸般口瘡三三夜愈如鼻流清涕者勒緊二丸揉之數夜可愈

內經云膀胱移熱於小腸隔腸不便上口為糜易老五苓散與導赤散合而飲之

嘔吐門

丁香茱萸湯 治嘔吐噦胃虛寒所致

黃蘗 叁分

炙甘草

丁香 柴胡

橘皮 已上各伍分

升麻 叁分

吳茱萸 蒼朮

人參 已上各壹錢

當歸身 壹錢伍分

草豆蔻仁

黃芪 已上各貳錢

右為麤末每服五錢水二大盞煎至一盞去粗稍熱服

食前

白朮湯一名茯苓  
半夏湯

治胃氣虛弱身重有痰惡心欲吐是風邪羈絆於脾胃之間當先實其脾胃

炒神麴貳錢

陳皮已上各  
叁錢

天麻已上各  
叁錢

白朮

白茯苓

麥蘖麵炒黃  
色

半夏已上各  
伍錢

右咬咀每服五錢水二盞入生薑五片同煎至一盞去粗稍熱服之

浦肝湯一名柴胡  
半夏湯 治素有風證不敢見風眼澀頭痛黑胸中有痰惡心兀兀欲吐遇風但覺皮肉緊手足難舉重物如居暖室少出微汗其證乃減再或遇風病即復

柴胡已上各  
伍分

升麻

藁本已上各  
伍分

白茯苓

桑分

炒神麴

蒼朮已上各  
壹錢

吳茱萸丸一名木香  
利膈丸

治寒在膈上噎塞咽膈不通

柴胡已上各  
肆分

半夏壹錢

草豆蔻仁

吳茱萸已上各  
錢貳分

麥蘖麵壹錢  
伍分

木香青皮已上各  
貳分

白殭蠶

姜黃

澤瀉

柴胡已上各  
肆分

當歸身

炙甘草已上各  
陸分

益智仁

人參

橘皮

升麻

黃芪已上各  
捌分

半夏壹錢

草豆蔻仁

右為細末湯浸飯餅為丸如菜豆大每服二三十九溫水送下勿多飲湯恐速下細嚼亦得

衄血吐血門

麥門冬飲子

治吐血久不愈以三稜鍼於氣街出血立愈

黃芪壹錢

麥門冬

當歸身

生地黃

人參已上各  
伍分

五味子拾箇

右為麤末都作一服水二盞煎至一盞去粗熱服不拘時

人參飲子

治脾胃虛弱氣促氣弱精神短少衄血吐血

麥門冬貳分 人參去芦 當歸身已上各參分 黃芪 白芍藥 甘草已上各壹錢 五味子伍箇 右

為麤末都作一服用水二盞煎至一盞去粗稍熱服

一貧者有前證以前藥投之愈繼而至冬天居曠室中臥大熱炕而吐血數次再來求治料此病久

虛弱附臍有形而有火熱在內上氣不足陽氣外虛當補表之陽氣瀉其裏之虛熱是其法也冬天

居曠室衣蓋單薄是重虛其陽表有大寒壅遏裏熱火邪不得舒伸故血出於口憶仲景傷寒論中

一證太陽傷寒當以麻黃湯發汗而不與之遂成衄却與麻黃湯立愈此法相同予遂用之

三黃補血湯 治六脉俱大按之空虛心面赤善驚上熱乃手少陰心脉也此氣盛多而亡血以甘寒鎮

墜之劑大瀉其氣以墜氣浮以甘辛微苦峻補其血

牡丹皮 黃芪 升麻已上各壹錢 柴胡已上各壹錢伍分 熟地黄 川芎已上各貳錢 生地黄叁錢

白芍藥伍錢 右咳咀如麻豆大每服五錢水二大盞煎至一大盞去粗稍熱服食前

如兩寸脉芤血在上焦或衄血或嘔血與犀角地黄湯則愈

救肺湯一名人參救肺散 治吐血

甘草 蘇木 陳皮已上各伍分 升麻 柴胡 蒼朮已上各壹錢 當歸稍 熟地黄 白芍藥 黃芪

人參已上各貳錢 右為麤末都作一服水二大盞煎至一盞去粗稍溫食前服

麻黃桂枝湯

人參益上焦元氣不足而贖其表也 麥門冬保肺氣已上各叁分 桂枝以補表虛 當歸身和血養血各伍分 麻黃去根節 甘草補其脾胃之虛

黃芪

實表益衛

白芍藥

已上各壹錢

五味子

伍箇安其脈氣

右以水三盞先煮麻黃一味令沸去沫至二盞入

餘藥同煎至一盞去粗熱服臨臥只一服而愈更不再作

黃芪芍藥湯 治鼻衄血多面黃眼澀多眵手麻木

葛根

羌活

已上各伍錢

升麻

已上各壹兩

炙甘草

貳兩

白芍藥

黃芪

叁兩

右咬咀每服伍錢水

二盞煎至一盞食後

六脉弦細而濇按之空虛其色必白而天不澤者脫血也此大寒證以辛溫補血益血以甘溫甘熱滑潤之劑以佐之則愈此亡血亦傷精氣

止衄血法 治鼻血久不止素有熱而暴作者諸藥無驗神法以大紙一張作八摺或十摺於水內濕置頂中以熱熨斗熨至一重或二重紙乾立止

腰痛門

川芎肉桂湯

丁未父曹通甫自河南來有役人小崔露宿寒濕之地腰痛不能轉側兩脇搖急作痛已經月餘不愈矣腰痛論中說皆為足太陽足少陰血絡中有凝血作痛間有一二證屬少陽膽經外絡脉病皆去血絡之凝乃愈其內經有云冬三月禁不得用鍼只宜服藥通其經絡破其血絡中敗血以此藥主之

酒漢防己

防風

已上各叁分

炒神麩

獨活

已上各伍分

川芎

柴胡

肉桂

當歸梢

炙甘草

蒼朮

記上各壹錢

羌活

伍分

桃仁

伍箇去皮尖研如泥

右咬咀都作一服好酒三大盞煎至一大盞去粗稍

熱食遠服

獨活湯 治因勞後腰痛如折沉重如山

炙甘草 貳錢

羌活

防風

獨活

大黃 煨

澤瀉

肉桂 已上各

當歸 稍

連翹 已上各

酒漢防已

酒黃蘗 已上各

桃仁 陸筒

服

右吹咀每服五錢酒半盞水一大盞半煎至一盞去粗熱

破血散 治乘馬損傷跌其脊骨惡血流於脇下其痛苦楚不能轉側妨於飲食

羌活

防風

中桂 已上各

蘇木 壹錢

連翹

當歸 稍

柴胡 已上各

水蛭 陸筒

麝香

香 別研

右伴分作二服每服酒二大盞水一大盞除水蛭麝香另研如泥煎餘藥作一大盞去粗

上火令稍熱調二味空心服之兩服立愈

地龍散 治腰脊痛或打撲損傷從高墜下惡血在太陽經中令人腰脊痛或脛膈臂肢中痛不可忍鼻

塞不通

當歸 稍

中桂

地龍 已上各

麻黃 伍分

蘇木 陸筒

獨活

黃蘗

甘草 已上各

羌活

活 貳錢

桃仁 陸筒

右吹咀每服五錢水二盞煎至一盞去粗溫服食遠

蒼木湯 治濕熱腰腿痠痛

防風 風能

黃蘗 已上各

柴胡 貳錢

蒼木 參錢

右都作一服水二大盞

煎至一盞去粗空心服

勝濕

久不愈寒化為熱除濕止痛

柴胡 行經

蒼木 參錢

濕止痛

右都作一服水二大盞

煎至一盞去粗空心服

勝濕

久不愈寒化為熱除濕止痛

柴胡 行經



麻黃復煎散 治陰室中汗出懶語四肢困倦無力走注痠痛乃下焦伏火而不得伸浮而躁熱汗出一

身盡痛蓋風濕相搏也以升陽發汗漸漸發之火鬱及濕在經者亦宜發汗况正值季春之月脉緩而

遲尤宜發汗令風濕去而陽升以此困倦乃退氣血俱得生旺也

白朮 人參 生地黃 柴胡 防風已上各伍分 羌活已上各壹錢 黃蘗已上各壹錢 麻黃去節微搗不令作末水五大盞煎令沸去

沫煎至二盞入下項藥再煎 黃芪已上各貳錢 甘草叁錢 杏仁三箇去皮 右咬咀都作一服入麻黃湯煎至一盞臨

臥服之勿令食飽取漸次有汗則効

緩筋湯 一名羌活湯 治兩目如火腫痛兩足及伏兔筋骨痛膝少力身重腰痛夜惡寒痰嗽頸項皆急

痛目外眦目絲急食不下

熟地黃壹分 生甘草 柴胡 紅花 炙甘草 蘇木 獨活已上各貳分 藁本 升麻 黃芩

草豆蔻仁 酒黃蘗 生地黃 當歸身 麻黃已上各叁分 羌活叁錢 蒼朮伍分 右為麤末都

作一服水二大盞煎至一盞去粗食遠服之

拈痛湯 治濕熱為病肩背沉重肢節痠痛胸膈不利

白朮壹錢伍分 人參去芦 苦參酒炒 升麻去芦 葛根 蒼朮已上各貳錢 防風去芦 知母酒洗

澤瀉 黃芩炒 猪苓 當歸身已上各叁錢 炙甘草 黃芩酒洗 茵陳酒炒 羌活已上各伍錢 右

咬咀每服一兩水二大盞煎至一盞去粗食遠服

蒼朮復煎散 治寒濕相合腦右痛惡寒項筋骨強肩背脚眼痛膝臑痛無力行步沉重

紅花壹分 黃蘗叁分 柴胡 藁本 澤瀉 白朮 升麻已上各伍分 羌活壹錢 蒼朮肆兩水

二盞去粗入藥 右咬咀先煎蒼朮湯二大盞復煎前項藥至一大盞稍熱空心服取微汗為効忌酒濕麵

羌活蒼朮湯 治脚膝無力沉重

炙甘草 黃蘗 草豆蔻 生甘草 葛根已上各伍分 橘皮陸分 柴胡柒分 升麻 獨活縮

砂仁 蒼朮已上各壹錢 防風伍分 黃芪貳錢 知母貳錢 羌活叁錢 右咬咀分作二服水二大

盞煎至一盞去粗空心服

婦人門

經閉不行有三論

陰陽別論云二陽之病發心脾有不得隱曲女子不月其傳為風消為息實者死不治婦人脾胃久虛或形羸氣血俱衰而致經水斷絕不行或病中消胃熱善食漸瘦津液不生夫經者血脈津液所化津液既絕為熱所燥肌肉消瘦時見渴燥血海枯竭病名曰血枯經絕宜瀉胃之燥熱補益氣血經自行矣此證或經適行而有子子不安為胎病者有矣或心包脈洪數躁作時見大便秘澀小便雖清不利而經水閉絕不行此乃血海乾枯宜調血脉除包絡中火邪而經自行矣內經所謂小腸移熱於大腸為癥瘕為沉脈澀不利則月事沉滯而不利故云為癥瘕為沉也或因勞心心火上行月事不來安心和血瀉火經自行矣故內經云月事不來者胞脈閉也胞脈者屬心而絡於胞中令氣上迫肺心氣不得下故月事不來也

經漏不止有三論

陰陽別論云陰虛陽搏謂之崩婦人脾胃虛損致命門脉沉細而數疾或沉弦而洪大有力寸關脉亦然  
皆由脾胃有虧下陷於腎與相火相合濕熱下迫經漏不止其色紫黑如夏月腐肉之臭中有白帶者脉  
必弦細寒作於中中有赤帶者其脉洪數疾熱明矣必腰痛或臍下痛臨經欲行先見寒熱往來兩脇急  
縮兼脾胃證出見或四肢困熱心煩不得眠臥心下急宜大補脾胃而升舉血氣可一服而愈或人故貴  
脫斃人事疎少或先富後貧心氣不足其火大熾旺於血脉之中又致脾胃飲食失節火乘其中形質肌  
肉容顏似不病者此心病者不行於診故脾胃飲食不調其證顯矣而經水不時而下或適來適斷暴下  
不止治當先說惡死之言勸諭令拒死而心不動以大補氣血之藥舉養脾胃微加鎮墜心火之藥治其  
心補陰瀉陽經自止矣痿論云悲哀太甚則胞絡絕也陽氣內動發則心下崩數澀血也故本病曰大經  
空虛發則肌痺傳為脉痿此之謂也

升陽除濕湯

一名調經升  
麻除濕湯

治女子漏下惡血月事不調或暴崩不止多下水漿之物皆由飲食不節或

勞傷形體或素有心氣不足因飲食勞倦致令心火乘脾其人必怠惰嗜卧四肢不收困倦乏力無氣  
以動氣短上氣逆急上衝其脉緩而弦急按之洪大皆中之下得之脾土受邪也脾主滋榮周身者也  
心主血血主脉二者受邪病皆在脉脉者血之府也脉者人之神也心不主令包絡代之故曰心之脉  
主屬心系心系者包絡命門之脉也主月事因脾胃虛而心包乘之故漏下月事不調也况脾胃為血  
氣陰陽之根蒂也當除濕去熱益風氣上伸以勝其濕又云火鬱則發之

當歸 酒洗

獨活 已上各  
伍分

蔓荊子 柒分

防風

炙甘草

升麻

藜蘆 已上各  
壹錢

柴胡

羌活

蒼朮

黃芪

已上各壹錢伍分

右劉如麻豆大勿令作末都作一服以潔淨新汲水三大盞煎至一大盞

去粗空心熱服待少時以早飯壓之可一服而已如多是太陰脾經中血海穴二七壯亦已

此藥乃從權之法用風勝濕為胃下隘而氣迫於下以救其血之暴崩也併血惡之物佳後必須黃

芪人參炙甘草當歸之類數服以補之於補氣升陽湯中加以和血藥便是也若經血惡物下之不

絕尤宜究其根源治其本經只益脾胃退心火之亢乃治其根蒂也若遇夏月白帶下脫漏不止宜

用此湯一服立止

涼血地黃湯 治婦人血崩是腎水陰虛不能鎮守包絡相火故血走而崩也

黃芩

荆芥穗

蔓荊子

已上各壹分

黃蘗

知母

藁本

細辛

川芎

已上各貳分

黃連

羌活

柴胡

升麻

防風

已上各叁分

生地黃

當歸

已上各伍分

甘草

壹錢

紅花

少許

右咬咀都作一

服水三大盞煎至一盞去粗稍熱空心服之

足太陰脾之經中血海二穴在膝膕上內膝白肉際二寸中治女子漏下惡血月事不調逆氣腹脹其脉

緩者是也灸三壯

足少陰腎之經中陰谷二穴在膝內輔骨後大筋下小筋上按之應手屈膝取之治膝如錐不得屈伸舌

縱涎下煩逆瀉難少腹急引陰痛股內膝痛婦人漏血不止腹脹滿不得息小便黃如蠱女子如姪身

可灸二壯

酒煮當歸丸

治癩疔白帶下疰脚氣腰已下如在水雪中以火焙炕重重厚綿衣蓋其上猶寒冷不住

寒之極也面白如枯魚之象肌肉如刀割削瘦峻之速也小便不止與白帶長流而不禁固自不知覺面白目青蓋如菜色目眈眈無所見身重如山行步欹側不能安地腿膝枯細大便難秘口不能言無力之極食不下心下痞煩心懊懷不任其苦面停垢背惡寒小便遺而不知此上中下三陽真氣俱虛欲竭噦嘔不止胃虛之極也脉沉厥緊而澀按之空虛若脉洪大而澀按之無力猶為中寒之證况按之空虛者乎按之不鼓是為陰寒乃氣血俱虛之極也

茴香 伍錢

黑附子炮製去皮臍

良姜已上各柒錢

當歸 壹兩

右四味判如麻豆大以上等好酒一升半

同煮至酒盡焙乾

炙甘草

苦練生用

丁香已上各伍錢

木香

升麻已上各壹錢

柴胡氣錢

炒黃鹽

全蠍已上各叁錢

延胡索肆錢

右與前四味藥同為細末酒煮麵糊為丸如梧桐子大每服五七十九丸空心淡醋湯

下忌油膩冷物酒濕麵

固真丸 治白帶久下不止臍腹冷痛陰中亦然目中溜火視物眈眈然無所見齒皆惡熱飲痛須得黃

連細末擦之乃止惟喜乾食大惡蕩飲此病皆寒濕乘其胞內故喜乾而惡濕肝經陰火上溢走於標

故上壅而目中溜火腎水侵肝而上溢致目眈眈而無所見齒惡熱飲者是陽明經中伏火也治法當大

瀉寒濕以丸約治之故曰寒在下焦治宜緩大忌蕩散以酒製白石脂白龍骨以枯其濕炮乾姜大熟辛

瀉寒水以黃蘗之大寒為因用又為鄉導故云古者雖有重罪不絕人之後又為之伏其所主先其所因

之意而又瀉齒中惡熱飲也以柴胡為本經之使以芍藥五分導之蓋深恐辛熱之藥太甚損其肝經是

故微瀉之以當歸身之辛溫大和其血脉此用藥之法備矣

黃蘗酒洗 白芍藥已上各伍分 柴胡 白石脂已上各壹錢火燒赤 白龍骨酒炙日乾 當歸酒洗

已上各貳錢 乾薑肆錢 右件除龍骨白石脂水飛研外同為細末水煮麵糊為丸如雞頭仁大日乾空

心多用白沸湯下無令胃中停滯待少時以早飯壓之是不令熱藥犯胃忌生冷硬物酒濕麵

烏藥湯 治婦人血海疼痛

當歸 甘草 木香已上各伍錢 烏藥壹兩 香附子貳兩炒 右咬咀每服五錢水二大盞去粗溫服

食前

助陽湯 一名升陽燥濕湯 治白帶下陰戶中痛控心而急痛身黃皮緩身重如山陰中如水

生黃苓 橘皮已上各伍分 防風 高良薑 乾薑 郁李仁 甘草已上各壹錢 柴胡壹錢 白葵花

桑桑 右剉如麻豆大分作二服每服水二大盞煎至一盞去粗食前稍熱服

水府丹 治婦人久虛積冷經候不行癥瘕瘵塊腹中暴痛面有黧點黎黑羸瘠

礪砂紙隔沸湯淋煎取 紅豆已上各伍錢 桂心另為末 木香 乾薑已上各壹兩 砂仁貳兩 經煨花蕊石研壹兩伍錢

班猫壹百箇去頭翅 生地黄汁 童子小便各一升 臘月狗膽桑枝 芫菁叁百箇去頭足糯米一升炒米黃去米不用

右丸味為細末同三汁熬為膏和丸如雞頭大硃砂為衣每服一丸溫酒細嚼食前服米飲亦可孕

婦不可服

丁香膠艾湯 治胎 不止蓋心氣不足勞役及飲食不節所得經隔少時其脉二尺俱弦緊洪按之無

力其證自覺臍下如水求厚衣被以禦其寒白帶白滑之物多間有如屋漏水下時有鮮血右尺脉時微洪也

熟地黄

白芍藥已上各叁分

川芎

丁香已上各四分

阿膠陸分

生艾葉壹錢

當歸二錢

右川芎

為細末當歸酒洗剉熟地黄丁香為細末又亦剉都作一服水五大盞先煎五味作一盞零二分去粗入膠再上火煎至一大盞帶熱空心服之

黃芪當歸人參湯

丁未仲冬郭大方來說其妻經水暴崩不止先曾損身失血自後一次縮一十日而來今次不止其人  
心窄性急多驚以予料之必因心氣不足飲食不節得之大方曰無到彼診得掌中寒脉沉細而緩間  
而沉數九竅微有不利四肢無力上喘氣短促口鼻氣皆不調果有心氣不足脾胃虛弱之證胃脘當  
心而痛左脇下縮急有積當臍有動氣腹中鳴下氣大便難虛證極多不能盡錄擬先治其本餘證可  
以皆去安心定志鎮墜其驚調和脾胃大益元氣補其血脉令養其神以大熱之劑去其冬寒凝在皮  
膚內少加生地黃去命門相火不令四肢痿弱

黃連壹分

生地黃叁分

炒神麩

橘皮

桂枝已上各伍分

草豆蔻仁陸分

黃芪

人參 麻

黃不去節已上各壹錢

當歸身壹錢伍分

杏仁五箇另研如泥

右以咀作二服水二大盞半煎麻黃令沸去沫煎至

二盞入諸藥同煎至一大盞於巳午之間食消盡服之一服立止其胃脘痛乃胃上有客寒與大熱

藥草豆蔻丸一十五丸白湯送下其痛立止再與肝之積藥除其積之根源而愈

當歸芍藥湯 治婦人經脉漏下不止其色鮮紅時值七月處暑之間先因勞後脾胃虛弱氣短氣逆自汗不止身熱悶亂惡見飲食非惟不入亦不思食沉懶困倦四肢無力大便時泄後再因心氣不足經脉再下不止惟覺氣下脫其元氣逆上全無惟覺心腹中氣下行氣短少不能言是無力以言非懶語也此藥主之

柴胡貳分

炙甘草

生地黃已上各參分

橘皮不去

熟地黃已上各伍分

黃芪壹錢伍分

蒼朮泔浸去皮

當歸

身白芍藥

白朮已上各貳錢

右十味咀咀如麻豆大分作二服水二盞半煎至一盞去粗稍熱空心服之

心服之

柴胡調經湯 治經水不止鮮紅項筋急腦痛脊骨強痛

炙甘草

當歸身

葛根已上各參分

獨活

藁本

升麻已上各伍分

柴胡參分

羌活

蒼朮已上各壹錢

錢 紅花少許

右剉如麻豆大都作一服水四大盞煎至一盞去粗空心稍熱服取微汗立止

一婦人經候凝結黑血成塊左脘有血瘕水泄不止穀有時不化後血塊暴下并水俱作是前後二陰有形之血脫竭於下既久經候猶不調水泄日見三兩行食罷煩心飲食減少甚至瘦弱東垣老人曰夫聖人治病必本四時升降浮沉之理權變之宜必先歲氣無伐天和無勝無虛遺人天殃無致邪無失止絕人長命故仲景云陽盛陰虛下之則愈汗之則死陰盛陽虛汗之即愈下之即死大抵聖人立法且如升陽或發散之劑是助春夏之陽氣令其上升乃瀉秋冬收藏積殺寒涼之氣此病是也當用此法治之升降浮沉之至理也天地之氣以升降浮沉乃從四時如治病不可逆之故經云順天則昌逆天則亡可不畏



哉夫人之身亦有四時天地之氣不可止認在外人亦體同天地也今經漏不止是前陰之氣血已脫下矣水泄又數年是後陰之氣血下陷以脫矣後陰者主有形之物也前陰者精氣之戶下竭是病人周身之血氣常行秋冬之令陰主殺此等收藏之病是也陽生陰長春夏是也在人之身令氣升浮者殺氣上行是也既病人周身血氣皆不生長穀氣又不勝其肌肉消少是兩儀之氣俱將絕矣既下元二陰俱脫血氣將竭假令當是熱證今下焦久脫化為寒矣此病久沉久降寒濕大勝當急救之瀉寒以熱除濕以燥大升大舉以助生長補養氣血不致偏竭聖人立治之法既濕氣大勝以所勝治之助甲風木上升是也故經云風勝濕是以所勝平之也當先調和胃氣次用白朮之類以燥其濕而滋元氣如其不止後用風藥以勝濕此便是大舉大升以助春夏二濕之久陷下之至治也

益胃升陽湯 血脫益氣古聖人之法也先補胃氣以助生發之氣故曰陽生陰長諸甘藥為之先務舉

世皆以為補殊不知甘能生血此陽生陰長之理也故先理胃氣人之身內胃氣為寶

柴胡 升麻已上各五分 炙甘草 當歸身酒洗 陳皮已上各壹錢 人參去芦有嫩去之 炒神曲已上各五分

黃芪貳錢 白朮叁錢 生黃芩少許 右吹咀每服二錢水二大盞煎至一盞去粗稍熱服

如腹中痛每服加白芍藥叁分 中桂少許 如渴或口乾加葛根貳分 不拘時候

升陽舉經湯 治經水不止如右尺脉按之空虛是氣血俱脫大寒之證輕手其脉數疾舉指弦緊或澀

皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此

法當大升浮血氣切補命門之下脫也

肉桂去皮盛夏勿用秋冬用 白芍藥 紅花已上各伍分 細辛陸分 人參去芦 熟地黄 川芎已上各壹錢 獨活

根 黑附子炮製去皮臍 炙甘草已上各伍分 羌活 藁本去土 防風已上各貳錢 白朮 當歸 黃芪已上各叁錢

柴胡已上各叁錢 桃仁拾箇湯浸去皮尖細研 右咬咀每服三錢若病勢順當漸加至五錢每服水三

盞煎至一盞空心熱服

半產誤用寒涼之約論

婦人分免及半產漏下昏冒不省瞑目無所知覺蓋因血暴亡有形血去則心神無所養心與包絡者君火相火也得血則安亡血則危火上熾故令人昏冒火勝其肺瞑目不省人事是陰血暴去不能鎮撫也血已虧損往往用滑石甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心肺之熱也此無形之熱用寒涼之藥驅令下行豈不知上焦之病悉屬於表乃陰證也汗之則愈今反下之幸而不死暴虧氣血生命豈能久活又不知內裡有說病氣不足宜補不宜瀉但瞑目之病悉屬於陰宜汗不宜下又不知傷寒鬱冒得汗則愈是甚用寒涼藥也分免半產本氣不病是暴去其血亡血補血又何疑焉補其血則神昌常時血下降亡今當補而升舉之心得血而養神不昏矣血若暴下是秋冬之令大旺今舉而升之以助其陽則目張神不昏迷矣今立一方補血養血生血益陽以補手足厥陰之不足也

全生活血湯

紅花叁分 蔓荊子 細辛已上各伍分 生地黄夏月多加之 熟地黄已上各壹錢 藁本 川芎已上各壹錢 防

風諸陽既陷何以知羌活 獨活 炙甘草 柴胡去苗 當歸身酒洗 葛根已上各 白芍藥

升麻已上各 右咬咀每服五錢水二盞煎至一盞去粗食前稍熱服

當歸附子湯 治臍下冷痛赤白帶下

當歸貳分 炒鹽叁分 蠟稍 升麻已上各 甘草陸分 柴胡柒分 黃蘗少許為引 附子壹錢

乾薑良薑各一錢 右為麤末每服五錢水五盞煎至一盞去粗稍熱服或為細末酒麵糊為丸亦可

調經補真湯 冬後一月微有地泥水泮其白帶再米陰中寒一服立止

獨活 乾薑炮 藁本 防風 蒼朮已上各 麻黃節 炙甘草 人參去芦 當歸身 白

朮 生黃芩 升麻已上各 黃芪柒分 良薑 澤瀉 羌活已上各 柴胡肆錢 杏仁貳箇

桂枝少許 白葵花柒柒去苦 右咬咀除黃芩麻黃各另外都作一服先以水三大盞半煎麻黃一味

令沸掠去沫入餘藥同煎至一盞零柒分再入生黃芩煎至一盞空心服之候一時許可食早飯

坐藥龍鹽膏

茴香叁分 枯礬伍分 良薑 當歸稍 酒防己 木通已上各 丁香 木香 川烏炮已上

分伍 龍骨 炒鹽 紅豆 肉桂已上各 厚朴叁錢 延胡索伍錢 全蠍伍箇 右為細末煉

蜜為丸如彈子大綿裹留系在外內丸藥陰戶內日易之

勝陰丹 為水藥力小再取三錢內加行性熱藥項下

柴胡 羌活 枯白礬 甘松 升麻已上各 川烏頭 大椒 三奈子已上各 蒜柒分 破故

紙捌分與蒜同  
煑焙乾秤

全蠍 叁箇

麝香 少許

右為細末依前法用

迴陽丹

羌活

全蠍

升麻根

甘松 已上各

草烏頭

水蛭 炒已上

大椒

三奈子

華撥

枯礬

已上各

柴胡

川烏 已上各

炒黃鹽 為必用之藥

破故紙

蒜 已上各

五蟲 三箇去翅足炒

右

為極細末依前製用臍下覺暖為効

柴胡丁香湯

治婦人年三十歲臨經先腰臍痛甚則腹中亦痛經縮三兩日

生地黃 貳分

丁香 肆分

當歸身

防風

羌活 已上各

柴胡 壹錢

全蠍 壹箇

右件都作

一服水二盞煎至一盞去粗食前稍熱服

延胡苦煉湯

治臍下冷撮痛陰冷大寒白帶下

黃蘗 壹分

延胡索

苦練子 已上各

附子 炮

肉桂 已上各

炙甘草 伍分

熟地黃 壹錢

右都作一服水二大盞煎至一盞食前服

桂附湯

治白帶腥臭多悲不樂大寒

黃蘗 貳分

知母 已上各

肉桂 壹錢

附子 叁錢

右

咬咀都作一服水二盞煎至一盞去粗食

遠熱服

如少食常飽有時似腹脹吞悶加白芍藥 伍分

如不思飲食加五味子 貳拾箇

慳面上如蟲行乃胃中元氣極虛如黃芪 壹錢

人參 叁分

炙甘草 伍分

升麻 已上各

人參補氣湯

治四肢懶倦自汗無力

丁香末貳分 生甘草稍 炙甘草已上各參分 生地黃 白芍藥已上各伍分 熟地黃陸分 人參

防風 羌活 黃蘗 知母 當歸身 升麻已上各柒分 柴胡壹錢 黃芪壹錢伍分 全蠍壹箇 五味子貳拾 右剉如麻豆大都作一服水二盞煎至一盞去粗空心稍熱服

黃芪白朮湯 治婦人四肢沉重自汗上至頭際頸而還惡風頭痛躁熱

細辛叁分 吳茱萸 川芎已上各伍分 柴胡 升麻已上各壹錢 當歸身壹錢伍分 黃蘗酒洗 炙甘草

羌活已上各貳錢 五味子叁錢 白朮 人參已上各伍錢 黃芪壹兩 右咬咀每服五錢水二天盞生薑五片煎至一盞去粗食前熱服 如腹中痛不快加炙甘草壹錢 汗出不止加黃蘗壹錢

白朮茯苓湯 治胃氣弱身重有痰惡心欲吐是風邪羈絆於脾胃之間當先實其脾胃

白朮 白茯苓 半夏已上各壹兩 炒麴貳錢 麥蘗麵伍分 右咬咀每服五錢水二天盞人生薑五片煎至一盞去粗不拘時服

增味四物湯 治婦人血積

當歸 川芎 芍藥 熟地黃 京三稜 乾漆炒燥烟盡 肉桂去皮 廣茂已上各等分 右為麩末

每服五錢水二天盞煎至一盞去粗食前稍熱服

補經固真湯

白文舉正室白帶常漏久矣諸藥不効診得心包尺脉微其白帶下流不止叔和云崩中日久為白帶

漏下時多骨木枯崩中者始病血崩久則血少復亡其陽故白滑之物下流不止是本經血海將枯津

蘭室秘藏

卷中

十四

液復亡枯乾不能滋養筋骨以本部行經藥為引用為使以大辛甘油膩之藥潤其枯燥而滋益津液以大辛熱之氣味藥補其陽道生其血脉以苦寒之藥泄其肺而救上熱傷氣以人參補之以微苦溫之藥為佐而益元氣

白葵花去萼研爛肆分甘草炙郁李仁去皮尖研泥柴胡已上各壹錢乾薑細末人參已上各貳錢生黃芩細研

錢壹陳皮留皮五分右件除黃芩外以水三盞煎至一盞七分再入黃芩同煎至一盞去粗空心熱服

少時以早飯壓之

溫衛補血湯 治耳鳴鼻不聞香臭口不知穀味氣不快四肢困倦行步欹側髮脫落食不下膝冷陰汗

帶下喉中啞啞不得臥口舌益乾大息頭不可以回顧項筋緊脊強痛頭旋眼黑頭痛之噫

生地黃 白朮 藿香 黃蘗已上各壹分牡丹皮 蒼朮 王瓜根 橘皮 吳茱萸已上各貳分當

歸身貳分半柴胡 人參 熟甘草 地骨皮已上各叁分升麻肆分生甘草伍分黃芪壹錢貳分

丁香壹箇桃仁叁箇葵花柒朵右咬咀作一服用水二大盞煎至一盞去粗食煎熱服

立効散 治婦人血崩不止

當歸 蓮花心 白綿子 紅花 茅花已上各壹兩右剉如豆大白紙裹定泥固炭火燒灰存性為

細末

如乾血氣研血竭為引好溫酒調服加輕粉壹錢如血崩不止加麝香引好溫酒調服

四聖散 治婦人赤白帶下

川烏炮製 生白礬已上各壹錢 紅娘子冬箇 斑猫拾箇 煉蜜為丸如兒子大綿裹坐之

溫經除濕湯

十月霜冷後四肢無力乃痿厥濕熱在下焦也醋心者是濁氣不下降欲為滿也合眼麻木作者陽道不行也惡風寒者上焦之分皮膚中氣不行也開目不麻者目開助陽道故陰寒之氣少退也頭眩眩運者風氣下陷於血分不得伸越而作也近火則有之

黃連壹分 柴胡 草豆蔻 神麴炒 木香已上各貳分 麻黃節不去 獨活 當歸身 黃蘗已上各壹分

升麻伍分 羌活柒分 炙甘草 人參 白朮 猪苓 澤瀉已上各壹錢 黃芪 橘皮

蒼朮已上各貳錢 白芍藥叁錢 右剉如麻豆大分作二服水二盞煎至一盞食遠服治支節沉重疼

痛無力之勝藥也

補氣升陽和中湯

李正臣夫人病診得六脉俱中得弦洪緩相合按之無力弦在上是風熱下陷入陰中陽道不行其證閉目則渾身麻木晝減而夜甚覺而閉目則麻木漸退久則絕止常開其目此證不作懼其麻木不敢合眼致不得眠身體皆重時有痰嗽覺胸中常有痰而不利時煩躁氣短促而喘肌膚充盛飲食不減大小便如常惟畏其麻木不敢合眼為最苦觀其色脉形病相應而不逆內經曰陽盛瞑目而動輕陰病閉目而靜重又云諸脉皆屬於目靈樞經云開目則陽道行陽氣遍布週身閉目則陽道閉而不行如晝夜之分知其陽衰而陰旺也且麻木為風三尺之童皆以為然細校之則有區別耳久坐而起

亦有麻木為如繩縛之久釋之覺麻作而不敢動良久則自己以此驗之非有風邪乃氣不行主治之當補其肺中之氣則麻木自去矣如經脈中陰火乘其陽分火動於中為麻木也當兼去其陰火則愈矣時痰嗽者秋涼在外在上而作也當以溫劑實其皮毛身重脈緩者濕氣伏匿而作也時見躁作當升陽助氣益血微瀉陰火與濕通行經脈調其陰陽則已矣非五臟六腑之本有邪也此藥主之

生甘草

去腎熱

酒黃蘗

瀉火除濕

白茯苓

除濕導火

澤瀉

除濕導火

升麻

行陽助經

柴胡

已上各壹錢 補中

草豆蔻仁

益陽退外寒已上各壹錢伍分

橘皮

當歸身

白朮

已上各貳錢

白芍藥

人參

已上各叁錢

佛耳草

炙

甘草

肆錢 已上各伍錢

黃芪

右咬咀

每服

五錢水二盞煎至一盞去粗食遠服之

麻黃桂枝升麻湯

治婦人先患渾身麻木睡覺則少減開目則已而全愈又證已痊又因心中煩惱

遍身骨節疼身體沉重飲食減少腹中氣不運轉

木香

生薑

已上各壹分

桂枝

半夏

陳皮

草豆蔻仁

厚朴

黑附子

黃蘗

已上各貳分

炙甘

草升麻

白朮

茯苓

澤瀉

已上各叁分

黃芪

麻黃

節不去

人參

已上各伍分

右都作一服水二

盞煎至一盞去粗食遠服之